


UMUTENDE

 Ukulongana, kwandi ukwa mwaka uupya kulifye ilyo tuleisula. Uku ekulongana kwandi ukwakubalilapo ukutuntulu ukufumafye pakutampa kwa mwaka. Oh, Nakwete inshiku ishinono pa ng'anda, nomba nali kulya pa Fort Huachuca. Bushe ifyo eflyo mulanda ico nomba? Nshilemona ifyo sopela *Huachuca* pamo ne cilembo ca *H*. [Pali tepu tapali amashiwi—Kale.]

² Tatwacite, tatwakwate filya ifya kupitulukamo ifyapita. Ikalashi ilya kunuma lileloshafye kunuma nokumona apo mupitile. Tulelolesha kuntanshi ukumona uko tuleya, mwamona. Cilya icili icapita, Paulo atile, “Mulabeko kuli filya ifintu ifyapita, Ine ndeya kuntanshi ku bwite ubwa sumbuka muli Kristu.” Kabili ico eco tulefwaya ukucita. Ku muntu, kuti twalolesha kunuma imyaka ikumi naisano, ikumi namutanda iyapitapo, lintu Naishile ku Phoenix umuku wakubalilapo, kwali ifintu ifingi ifyacitike ukutula palya, ifisuma ne fibi, ifyo fyonse fiya mu Bupingushi, mu maboko yakwa Lesa. Lelo ico Ndeloleshako ku ntanshi nomba cinshi ico Ndi nokucita muli uyu mwaka uleisa, ukulola mukuwanya u Bufumu, ukucita ukucilapo, fyonse ifyo Ningacita mu Bufumu ubwa kwa Lesa.

³ Nomba, muno cungulo kasuba Ndefwaya ukulanda pali iyi i Mbila yamu mwaka uupya ku Chalichi cakwa Kristu, kabili mailo ubushiku tukatampa ukupepelako abalwele. Kabili tuli nokupela ifitupa fyakupepelapo pakati. . . Ndetontokanya ukulongana kukatampa pa sebeni-sate, cawama mwaba pano pali sikisi nangu ama mineti ikumi nayasano panuma, nomba, pakupoka ifitupa fyakupepelapo fyenu, pakutila mwicilinganya ukulongana konse ukwashala.

⁴ Tulefwaya ukutotela a—abatungulula pano, aba pa Ramada, pakutusuminisha ukukwata ukulongana muli ici cikulwa, ilyo takulaba uyu umusonkano. Shikulu Amipale.

⁵ Kabili nomba nga mulefwaya ukwisula mu Malembo, apo twalabelenga, Nalabelenga ukufuma muli Esaya, chapitala 60, kabili na—na 2, versi 1 na 2. Kabili Amalumbo 62:1-8. Amalumbo 62:1-8, mukubalilapo.

Icine cine umweo wandi ulolela pali Lesa: kuli ena ekwafuma ipusukilo lyandi.

Ena ecilibwe candi fye kabili ipusukilo lyandi; ena ebucingo bwandi; Nshili nokusunkaniwa apakalamba.

Mukafisha pa nshita nshi ukwingililamo imicitile iyabipa ukulola ku muntu? imwe bonse muli

nokwipaiwa: nge cibumba icatundama efyo mukaba, kabili nge linga ilisunkana.

Bapandwa amano kukuwisha panshi, ukumuwisha panshi kubukankala bwakwe: basekelela mubufi: bapala notunwa twabo, lelo batipa mukati. Ameni.

Umweo wandi, ulolela fye pali Lesa; pantu ifyakusubila fandi fifuma kuli ena.

Ena fye ecilibwe candi kabili ipusukilo lyandi: ena ebucingo bwandi; Nshili nokusunkanishiwa.

Muli Lesa emwaba ipusukilo lyandi kabili nobukata bwandi: icilibwe ica maka yandi, . . . umwakushina kwandi kwaba muli Lesa.

Mulecetekela muli ena inshita shonse; imwe mwebantu, mulepongolola umutima wenu kuli ena: Lesa emwakushina kuli ifwe. Ameni.

6 Nalitemwa inshila intu Davidi alandilamo ico, “icilibwe.” Mumone, imiku iingi nganshi atila, “Lesa e cilibwe candi.” Namwishiba icilibwe ico alesontelelako, muli Baibele? *Icilibwe* “busokololo.”

7 Kwati fintu Petro alandile, “Nimwe Kristu, u Mwana wakwa Lesa wa mweo.”

8 Atile, “Walipalwa iwe, Simoni, umwana wakwa Yona. Kabili pali ici icilibwe, pali ubu ubusokololo . . .” Lesa asokolwelele ico kuli ena. “Umubili no mulopa tawasokolwelele ici, lelo ni Taata Wandu uwaba mu Muulu. Pali ici icilibwe, ubu ubusokololo, Ndi nokukulapo i Chalichi Candi.”

9 Kabili Davidi apa alebikisha, “Lesa e cilibwe candi, ubusokololo bwandi!”

10 Nomba mu chapitala 60 iyakwa Esaya, versi 1 na 2.

Ima, bengeshima; pantu ulubuuto lobe nalwisa, kabili ubukata bwakwa SHIKULU nabwima pali iwe.

Pantu, mona, . . . imfifi ili nokwandatila pe sonde, kabili imfifi ikalamba ili nokuba pa bantu: lelo SHIKULU ali nokwima pali iwe, kabili nobukata bwakwe buli nokumoneka pali iwe.

11 Natupepe. Shikulu Yesu, ilyo tuletonda pali ifi Fyebo, twaya nomba mukutampa uku ukulongana, mukucindika Imwe. Tupaleni, Taata, twaipusha mwi Shina lyakwa Yesu. Ameni.

12 Nomba, isambililo lyandi muno cungulo kasuba lishiwi limo: *Umutende*. Muci Hebere, cilepilibula “umutende.” Umutende, nangu kwena kuposha, cena “mutende ukuba pali iwe,” nangu, “ukusengela,” “mwashibukeni,” musango uuli onse uwa—uwa kuposha. Lelo ishiwi ilikalamba Nasangile mucu Hebere apa, cena cipilibula ifintu ifingi, lelo fyonse filola ku cintu cimo cine, “umutende.”

¹³ Iyo tulelolenkana noyu umwaka uupyua, tulelolenkana ne fintu fibili, nga fintu Nacibelenga, imfifi no Lubuuto. Nomba tulemona ukutila Davidi, alelanda apa, aletila, “Cetekeleni muli Shikulu. Biken i cakushininkisha cenu muli Ena.” Esaya atile, “Imfifi iikalamba iyafitisha; lelo ku Chalichi ukwima nokubengeshima, mubukata bwa Lubuuto.”

¹⁴ Eico tulelolenkana nauno mwaka nga fintu tucita imyaka yonse; kuli u—ukumfwa ububi pa fintu ifyo twacita kunuma, kabili tulelolesha kuntanshi ku bwikashi bwa kuntanshi ubwa bukata bwa Lubuuto bwakwa Kristu. Takuli ukutwishika, nga cakutila twaikala ukupita muli uno umwaka, tuli nokusanga ifilubo ifingi ifyo twapanga, kabili tuleenekelafye ifyo pantu cena cendela pamo ne fisuma ne fibi. Ayo yene emalango ayaba pakati ayo twikalilamo pano muli uno umweo. Lelo tuli abansansa nganshi twalikwata Ndubulwila Uwaikala ku kuboko ukwa kulyo ukwakwa Lesa, ukulatulombelako. Lintu twaba abafwaya ukusumina pa filubo fyesu ifyo tucita ifya lubana, nomba Alafyelela. Ena aisulamo ukusenamina noluse, ukutwelela kuli ifya ifilubo.

¹⁵ Iyi imfifi iikalamba iyafitisha, iyo Ndefwaya ukulandapo mukubalilapo, ukutila yaliba iikalamba nganshi mwi sonde ileelo, kabili iya ilekulilakofye ukufitisha nokufitisha inshita yonse. Cila mwaka, tulesanga ukutila, ukutila i—isonde liya lilefitilako, ukulanda muli bumupashi, pantu bena bakula mumfifi. Mwaliba ulubembu ulwingi. Ukupitafye mufyo twakwata, ukwipayaya ukwakwa Kateeka, nefyaba ngefyo, nabantu ukwipaiwa muno mwine mu calo cesu. Umo tekuti tutontonkanye ukutila ico kuti cacitika munshita yakutumpuluka kwa nomba, lelo icine cine twalikwata ico, pantu imfifi iikalamba iyafitisha yaba pa bantu. Nomba, bonse abo abashili nokupilibukila ku Lubuuto, nomba kulifye icintu cimo ico Ningalanda umwaka uleisa, muli nokwiminina mumfifi iya fitisha mumfifi iya fitisha iyo umwaka uletwalililapo.

¹⁶ Lelo kuli abo abali nokupilibuka, muli uyu umwaka uupya, ku Lubuuto, nomba imwe muli nokubutilako nokubutilako, ukufika ku Bushiku ubwa pwililika ubo tuleloleshako, ukwisa Kwakwe, umu imfifi yonse ili nokupwa—ukupwa ukufumapo. Kabili nomulandu uwa ico, emulandu Ndelandila, ku Chalichi cakwa Lesa wa Mweo, ileelo, “Umutende,” pantu ifwe tuli Lubuuto Lwakwe. Yesu atile, “Imwe muli Lubuuto lwe sonde.”

¹⁷ Nomba, kasesema atile, “Imfifi iikalamba iya fitisha ukuba pali aba bantu; ukuba pa bantu aba mwi sonde, pali nokuba imfifi iikalamba iyafitisha.”

¹⁸ Bushe namumona, mu myaka iinono iyapitapo, imwe bamo mwebaume na banakashi mwebali mu mushinku wandi, ifyo efyo cila mwaka, cimoneka kwati ifya imfifi isa ukucilapo nokucilapo? Nalelanda ubushiku bumbi, kabili Natile ku

mukashi wandi, “Nawishiba, cena cilemoneka ngefyo, ilyo imyaka iletwalililapo, kabili cena cimonekafye kwati abantu batampa ukuya apatali kabili apatali ukufuma ku cintu icituntulu ico bafwile ukulapalaminako mupepi kabili ico bafwile ukulapalaminako mupepi.”

¹⁹ Nalimona, pakati ka bantu. Ngamwalolesha mu misebo, kabili ilingi line pakati ka banakashi, mufwile ukumona pafyakukabila fyabo nefyo bafwaya ukucita, kabili bena—bena balecinja imibele inshita yonse. Abaume baleba kwati banakashi, kabili abanakashi baleba kwati baume, kabili cilemoneka kwati tapali inshila iyakuleseshamo ico. Ndaya ukupita mu calo, ndeshimikila ukulola kuli ico cintu, kabili nabwela umwaka umbi kabili cena cibafye icabipilako ukucila lintu Natampile. Cena, balya abantu bafwaya ukucita icalungama, lelo, bena, paliba icintu cimo palwa ico icibalenga ukukana cita icalungama. Cena cititikishafye pali bena, cilabapatikisha. Cena—cena caba kwati cintu cafina, fube fube wafita ukuba pe sonde lyonse. Temu Phoenix fye epela, lelo ukuya monse mwi sonde, kumonekafye ukuba imfifi iyakolongana pamo iyo iiba pamo, ileya ilebipilakofye nokubipa, inshita yonse, cileyafye cileipaya ubwaume bwine bwine, abwanakashi bwine bwine. Ndelandila mucifyalilwa.

²⁰ Kabili, bena, bamoneka ngefyo...cena cileisa ukucilapo nokucilapo muma chalichi. Kabili nomba lintu waimako nokulanda icintu cimo ukulola kuli ico, nomba bena bakususha pakucita ico. Mwamona, imwe—imwe kuti mwamona ico cileisa, kabili—kabili nomba lintu walanda ukukana kuli ico, umuntu akana ukumfwikisha bwino. Inshita shimo abanakashi balafilwa ukumfwikisha cena, ubaume balafilwa ukumfwikisha ico, babulapo nemibele iyalubana.

²¹ Umuntu inshita shimo shimo, umuntu umusuma, alomfwana ne fintu fyaba ifyo pakutila bengekatilila pa nsambu shabo mu fifulo fya bukapepa ifyo babamo, pantu, nga tabacitile ico, balabafumya kwisenge, kabili nomba bena—bena baba palwabo. Kabili ukuba pamuku umo uwafumishiwa kwisenge ukufuma ku bantu bamo, nomba cilaba icakosa ukutila engengilamo no muntu umbi, pantu bena balishibe pa nshita imo ukutila wali uwa mwibumba lilya, nomba, “Cinshi icacitika *pano*?” Nomba iwe ufwile ukwiminina pakushininwa kobe, nangu waya palobe, nangu wakana ifya kushininwa fyobe. Eico cena cilalenga ukuba icakosa icituntulu pa bantu.

²² Kabili cimoneka kwati inshita ili, teti umone ukwiminina kwine kwine, nga fintu umuntu afwile ukuba. Ine...Nangufye mukucibwesha kunuma, ukufuma kuli bumupashi, ukuya kucifyalilwa, Ine...Cilemoneka kuli ine ukutila umwaume afwala insapato isha kashikilila ishanakilila, kabili ne fintu fyonse ifya misango iyalekana lekana ngefyo, cena cimonekafye kwati bena nabasanguka ukucilapo ukuba

abanakashi. Kabili abanakashi ukulapeepa imishanga, nomba bakwata fifwaka ifyapombwa ifikalamba, kabili benafye... nokubeya imishishi nga abaume; kabili cilemoneka ukutula i—imibele, iya bunamayo, ifintu fimo ifya bwanakashi nafipwa. Kabili nefya bwaume bwine bwine nafiya; conse ico amoneka ukutontonkanyapo cintu cimo icabipa, kulubali lumbi.

²³ Ndetontonkanya cena cena cilifye kwati ni fintu cali mukutendeka, “itontonkanyo lyonse mu mutima wa muntu liletwalililapo ukuba ilyabipa.” Ubutantiko bwesu—bwesu, pafitunshi tunshi napa filimba, tabafumyamo ifyabipa. Umuntu kuti alanda icili conse, mupepi, bafwaya, nangufye ukulapa nokulanda ifyabipa, ifyakusekesha ifyabipa ifyo— ifyo mucituntulu ifishifwile ukuba, tafifwile ukuba, tafifwile fyalandwa mucikulwa ca bwalwa. Cibe bena balalanda ifyo pa citunshi tunshi na pacilimba, nokufituma ukufitwala mu mayanda ya bantu. Cilemoneka kwati ni ilya imfifi iikalamba iyafitisha ukwandatila pa cintu conse. Isonde lyonse lilemoneka ukuba ilyaonaulwa.

²⁴ Nomba, pa myaka, Ndesha ukwikatilila umulingo, i Cebo cakwa Lesa. Kabili Naliba uwashipikisha ukutwalilila uyu mwaka uuleisa ukwikatilila ulya umulingo ukucila pafyo Nali mu mweo wandi, mwamona, ukwiminina bwino uwalungama ne Cebo. Nomba, Ndesubila umuntu uuli onse ico nga caingila mu mano yabo ukutula Ndecita ico ukuipanga ukuba uwamano, nomba, munyina, nkashi, icine cine naulufyanya. Ndecita ico pantu Ine emulimo wandi uwakucita Ico. Ine, Ndi uwashingamwa ukwikala pamo ne Cebo. Naconse ico Calanda, wibikako ukupilibula kwa pambali, iwe kulandafye Cena muli iyo nshila. Nomba kuti kwaba bambi abenga Cipilibula nokulenga Cena ukumfwika icapusanako panono, lelo Ine teti ncite ico. Ululimifye ulo Naishiba nyulu ulwalembwa Apa, munshilafye cabelamo muli Iyi nshila.

²⁵ Nomba, iinono, palwa myaka itatu iyapitapo, cili nokuba nomba, ukutula, pa ng’anda, pa chalichi candi ico nabapo, Mupashi wa Mushilo alandile kuli ine, atile, “Kabiye ku Tucson, kuliko icintu cimo icilelolela.” Naiminine pano paci ntamba no kweba onse pali imwe, “EFYA SOSA SHIKULU, icintu cimo cilepekanya ukucitika.” Limbi kuli mupepi na bantu imyanda abekele pano abo abaishiba ico. Namyebelafye ico Namwene. I Mbila yaba pali tepu, *Ili Nshita Nshi, Mukwai?* Namwene ibumba lyaba Malaika, kwati—kwati ni pyramidi, caishile kukapinda aka kukuso aka Tucson; caiminine muli *iyi* nshila, kukapinda ka kukuso aka Tucson. Kabili Balandile kuli ine icintu cimo, kabili Nshaishibe ifyo cali. Kabili ubushiku bumu kulya... Kwali umuntu uwaikela palya uwasangilwepo, babili pali bena, abo abali pamo naine, kulya kwine lintu ico cacitike.

²⁶ Kabili bakopele icikope ca Ico mu muulu. Cena cali—

cali muli magazine. Natontonkanye ukutla Nalikwete icikope ca ico. Nalikwata. Efyo cili. Imwe kuti mwamona ico muli *Life* magazine, ici icakopelwe, bwino bwinofye munshila umo Mupashi wa Mushilo alandilemo cena cili nokuba.

²⁷ Kabili palya paiminine balya ba Malaika cine lubali mucifyalilwafye ngefyo mulemona ine njiminine pano, nokunjeba ukubwelelamo ku ng'anda ku mwandi, ukutla, ifyankama ifyo bakacinja ukupita monse mu nkulo bafililwe ukumona, ifyankama fyamuli Baibele, ifyo i Fikakatikilo Cine lubali fyaikete, fili nokusokololwa. Ndebecanya no muntu onse, buleni ifyo i *Fikakatikilo Cine lubali* nokufilolekeshapo, kabili mumone nga cakutla mwalasangapo icilubo pali fyena. Mwamona? Mwamona? Pantu fyena fyapelwa nokusubwa kwakwa Lesa.

²⁸ Ilyo ico tacilacitika, Nashimikile pa *Nkulo Shama Chalichi Cine Lubali*, kabili nokulenga shena pacipampa icafita mwi hema lyandi.

²⁹ Isambililo Lyandi, Nshishimikila i Sambililo pano, tapaba nangu cimo kanofye ifyakubalilapo ifya kusabankanya; pantu Ine naba naba bwananyina, limbi kuti fyaba ifyapusana nabena, kabili Nshipela Ifyo ku bantu pano. Ndeshafye ukwikala pafya kubalilapo ifituntulu ifya mu Malembo, ifyo ifyaba nga fintu twacetekela. Lelo, pe hema lyandi, balambula Ifyo pama tepu. Nga cakutla ulefwaya Yena, kuti wakwata Iyo. Nga cakutla kakumba obe talefwaya iwe ukukwata Yena, taufwile Waisenda. mwamona, ico cili kuli iwe.

³⁰ Lelo mulya, ukushimikila pa *Nkulo Shama Chalichi Cine lubali*, ukukwata ukusuminisha ukufuma kuli Lesa; ukulenga shena, ifyo ilya imfifi yaishile mu chalichi, ku Nicaea; kabili naba malaika bamu chalichi, ne nkombe. Cena cali icalungama, pantu, lilya linefye Nalengele shena nokulekelesha ne nkulo ya chalichi yakulekelesha, pa Mulungu ulucelo, pa leveni koloko, u Lubuuto ulukalamba lwaishile mucikulwa, ku cinso ica bantu abengi abaikete palya; lwaishile nokubyasha pa Lwaluko kulubali lwa cibumba, ku menso ya bantu balya bonse, kabili kwalengelwe shilya Nkulo sha Chalichi bwino bwinofye mu nshila Nalengelemo kulya. Nomba, kuli imyanda ne myanda ya nte kulya iyakushininkisha ico. Fye. . .

³¹ Ukuba, nomba, natwiluka ukutla Lesa lyonse alangisha ifintu mu muulu ilyo Talalangisha fyena pe sonde. Kwati nga bamano abakonkele ulutanda, nefyaba ngefyo. Icishibilo camu myuulu cilacitika, mukubalilapo, nomba ica pe sonde cashininkisha icishibilo camu myuulu. Lesa abombela, mu fishibilo, ifishibilo ne fisungusho. Fifwile fyakonka abacetekela ukuli konse. Aba Yuda lyonse balelolesha ku cishibilo, pantu bali abasalwa abakwa Lesa, kabili balelolesha ku cishibilo. "Tulangishe icishibilo, nomba twalacetekela." Kabili, nomba,

lintu abamano baishile nelyashi lyabo, ba Magi, pakufyalwa kwakwa Kristu, palya penefye pa mwaka upya.

³² Nomba tulesanga ukutila umweshi, muli Baibele uleiminako ichalichi. Ulangisha ulubuuto pe sonde ilyo akasuba takaliko. Ukusokolola, chapitala 12, icine cine ilondolola ico, “umwanakashi no mweshi pe samba lya makasa yakwe, nakasuba pa mutwe wakwe.” Kabili icakutila ilyo akasuba takalipo, lintu akasuba kaya kulubali lumbi, umweshi ulangisha akasuba pe sonde. I chalichi cifwile calangisha Yesu Kristu kwi sonde, ilyo u Mwana wakwa Lesa talipo. Bonse twacetekela ico. Cena cintu iceni, ukufikafye apo ifi fintu fyaba ifyapusana.

³³ Lelo ukulanda pano, mu 1933, pali papa ukubula incende yakwe ukufuma, nangu ukufuma, ukucila, mu Rome, nokupanga ukutandalila ku—ku fyalo fya mushilo. Ena ali nokwisa kuno. Kabili icintu iceni, cili, inshiku ishinono ilyo talafuma mu Rome, mumuku wakubalilapo tacatala aciba mwilyashi lyakale, umweshi waikile nokufimbwa ukufika ukwa pwililika. Ico cine, cali cinshi? Ukucinga ukulangisha u Lubuuto lwa Mwana. Muli ici, alandile ku bapatili baku Orthodox; kabili bonse basuminishenye, “Papa alacita ico pamulandu we senge, nesenge lya bwina mupalamano ilisuma.” Ico icumfwika kukutwi kwacifyalilwa, icintu icikalamba icisuma kuti cacitika. Lelo kukutwi kwa bumupashi, cena nimfifi. Kabili ifyo ama chalichi, ifwe ba Presbyteriani, ba Methodisti, ba Baptisti, ba Pentecosti, kuti twailundako shani ku cintu camusango ifi icabipa ngefi, kabili ukwishiba Baibele yesu itufundisha icapusanako! Cena cintu cakusungusha kuli ine, ukutila umuntu waisula no Mupashi kuti aingila shani mu ncende nokutila, “Cileumfwika ica bumupashi ukuba mu ncende iyaba ngefi.” Kuli ine, cena cintu cabipisha.

³⁴ Nomba, Ndesubila imwe namukwata ici muno mu Phoenix. Nga cakutila umuntu umu... Nibanga muno abamwene apo Nalengele ifikope ifya Nkulo shama Chalichi? Imyeniko amaboko. Ndesubila... Ukumona ifyo Shikulu alengele fyena mu makumbi, ubushiku bwafumineko? Califye bwino bwino munshila calengelwemo palya pe hema. Icapwililika, bwino bwino fyene munshila Mupashi wa Mushilo apele cena ukupitila mukusubwa, imyaka itatu iyapitapo, pe hema, palya calicitika mu makumbi. “Mukanwa kaba kambone babili nangu batatu, lekeni icebo conse cipampamikwe.” Mupashi Wa Mushilo mukubalilapo aendele ukupitila mukusubwa; Nalengele fyena pa cintamba. Nomba Aikile pa Lwakwe umwine nokupanga icakushininkisha Cakwe ica ico, kwati mweshi no Lubuuto fileya fileshima, fileya fileshima, kabili kuli iyi Nkulo ya Laodekeya ukuya mumfifi iikalamba nakabili. Kabili apa Aikile nokwisa shininkisha cena pamweshi, pa nshita fye ilyo ama chalichi yonse yaleya capamo mukuba capamo, ukwa

kwikatana pamo ukwama chalichi.

³⁵ Emulandu, nga fintu Esaya alandile, “Imfifi iikalamba iyatola ili pe sonde, pali aba bantu.”

³⁶ Ninjishiba tacaseka ukulanda ukulola ku kabungwe, lelo ulo elulembo lwa ciswango. Ico e cintu iciletusenda ukwingila muli ico. Cena cilepanga icipasho ukulola ku ciswango. Nshilelanda ico pakutira kwaba ukufulwa. Ndelanda ico pantu cena e Cine, mweba bwananyina. Ubushiku buli nokwisa lintu Phoenix akema, kabili limbi ninshi Ninja, lelo imwe muli nokwishiba ukutila cilya cali EFYA SOSA SHIKULU. Cena cacine. Kabili nefyo ulya Mupashi wa Mushilo umukalamba ashininkishe shilya i Mbila nokulandila libela ifintu, nokukana filwapo pa nshita imo! Kabili ninshi tupampantila mu mfifi? Mulandu nshi abantu tabengabukila ilyo inshita tailapwa? Muli bumo muli ishi inshiku, yena ikaba ninshi inshita naipwa, lintu imwe kale kale namusenda ululembo, kabili nomba tapali. . . Tapali nangu cimo icintu cimbi wingacita palwa ico nomba, iwe ukekatwa muli ilya imibombebe, ulo iwe bakulemba kuli ilya imibombebe.

³⁷ Mulandu nshi tawingeshila kuli Kristu, nokwisulamo no Lubuuto lwa Mbila nsuma ulwakwa Yesu Kristu, Amaka yakwe ayakubuka ayo ayenga lenga iwe ukuba umuntungwa, nokupanga iwe ukuba inyali iyaikala palupili? Temulandu nefyo kwingaba ukwafita. Kuti watila, “Ukuba, mulandu nshi twingacitila ico? Abashala bonse. . .” Kutikeni, nombaline e nshita iyakuleka lweni ukubengeshima, lintu kwena kwaba ukwafitisha. Ilyo elyo u Lubuuto lubengeshima bwino ukucilapo, ni lintu Kwena kwaba ukwafitisha. Tufwile lyonse twaleka u Lubuuto lwabengeshima palya apafitile.

³⁸ Kasesema atile, “Imfifi iikalamba iya fitisha ili nokuba pali aba bantu,” kabili icine cine ico e Cine.

³⁹ Nomba twasanga icalengele umweshi ukulangisha ulubuuto. Lesa ukulangisha, mukubalilapo, pacipampa cafiita; icakonkelepo, ukupitila Mukubapo Kwakwe Kwine; nomba mu myuulu Alangishe icakumwenako. Kabili nomba ukufuma mu Rome papa aile, kulya mu Palestini; ico, kwi linso fye lyeka, abantu babilikishe no kuwila pa finso fyabo, nokupepa umuntu. Tekubafye uwakana ena ukucila Ine ukuba kapyunga uwingaiposa mufyaba ifyo. Wena onse mupashi umo wine.

⁴⁰ Cilemoneka kwati ilye mfifi iyafitiisha iikalamba yaikele pa bantu mpaka batontonkenye ukutila cimofye icintu icilipo icakucita kuya ku chalichi nokuba umuntu umusuma, ukubika ishina lyobe mwi buuku, kabili ne cintu cimo icinono icakupapusha, “Lesali nokupilibula ulufungulo lintu iwe wafwa, kabili nokucinja ulya umupashi muli iwe, kuli Ena.” Iwe walipanga icilubo. Lintu wafwa, ulyo mupashi uli pali iwe, uyo emusango ukaba umuyayaya. Kabili ibukisheni, aba Fariseo, aba Saduke, na fimbipo, bali abantu babukapepa.

41 Lesa ni Lesa wabufuba. Aliba uwabufuba, kabili afwaya umukashi Wakwe uwabula akalema. Afwaya ena ukuba na cisungu, uwabula ukumwikatamo. Ukwabula ica mwisonde nangu cimo muli ena, nakalya; conse capamo i Cebo Cakwe, ulubali Lwakwe. Tufwile twaba ulubali lwa Cebo. Tekuba ulubali lwafya kusuminamo; kuba ulubali lwa Cebo! Tekuba ulubali lwa chalichi; lelo ulubali lwakwa Nabwinga! Ichalichi calisekwa, twalishiba ukutila cili nokuya kunse mumfifi, lelo Nabwinga ali nokuya mu muulu.

42 Nomba abantu nga kuti babuka pama mineti ayanono nokwiluka icintu icikalamba ifyo cili. Cena matakhi eyacita ico. Bantu abo—abo abafwaya ukuya nge sonde lyonse ilyashala. Tekuti mucite ico. Tamuli aba mwisonde. Bushe uletontokanya umwanakashi uulele mumbokoshi kuti afwaya ukwishiba nga cakutila umushishi wakwe baliucita bwino, nangu conse ico mwingafwaya ukwita ico? Bushe muletontokanya ena kuti aposako amano kufyo afwele nga cakutila nalala mumbokoshi, nangu umwaume umo? Bena tekuti bacite ico.

43 Kabili uyo wine emulandu ileelo, kuli ifintu ifingi ifyo ifwe tukopa ukukonka abena mupalamano, nangu umuntu umo uwaishibikwa mu Hollywood, nangu fashoni imo, nangu icintu cimo icaba ngefyo, ni pa mulandu wakutila tatulati tufwe na nomba ukulola kuli Kristu ne Cebo Cakwe. Bwafya nshi ubuli nama chalichi? Ifwe tuli mu mfifi, tuleyalanganya mumfifi. Atile, “Kuli nokuba imfifi iyafitisha pa bantu.” Imfifi iyafitisha pa bantu nomba!

44 Cinshi conse cilepilibula? Cilepilibula ici, ukutila lintu isonde. . . Cinshi calengele umweshi ukushima, cali pa mulandu wakutila a—akasuba. . . icalo caiminine mucinshingwa cakasuba, ako akaleilangisha akene keka pe sonde. Isonde lyaingile mucinshingwa. Ubo ebwafya ubuli ne chalichi. Ubo ebwafya ubuli pamo naba Presbyteriani, ba Methodisti, ba Pentecosti. Ubo ebwafya ubuli naifwe bonse. Isonde lileisalila u Lubuuto ulo tufwile ukulangisha, lwapilibula ulwine lweka nokwingila muli Lwena, kabili ilyo filepita pali cimo necinankwe, cena kuposa imfifi pali ico.

45 Kabili isonde lyaingila mu chalichi, mwi—mwi shina lya cilonganino, i shina lya cisumino cimo, kabili “twaba ababukapepa pali conse *ici* na conse *ici*,” lelo cibe cena cilakana amaka ayakubuka ayakwa Kristu ukushininkisha i Cebo Cakwe icasesemwa ica muli buno bushiku. Kutu kwabafye u Lubuuto ukupitila mu Cebo cakwa Lesa. Twalishiba ico. Lesa, mukutendeka, atile, “Lekeni kube ulubuuto kabili kwali ulubuuto,” ukulangwa kwa Cebo Cakwe ukutila Alilandile.

46 Imfimi, kwalifitile! Isonde lyaingile mu mushilwa wakulangisha akasuba ku mweshi, kabili nokufisha ico. Ico bwino bwinofye ecacitika mucifyalilwa, nangu muli bumupashi.

Nga fintu cacitike kucifyalilwa cakupile nokutweba, ico bwino bwinofye ecacitika.

⁴⁷ Nomba, mwamona ifyo ico cileisa pakulekelesha. Imwe mwebengi mwebantu imisepela, tamwakakule apakalamba nganshi mpaka mukamone ico, munshila iili yonse, nga cakutila mwaikela imyaka itatu nangu ine ukucilapo.

⁴⁸ Umweshi nomba, ifwe tuli mu Nkulo ya Chalichi ca Laodekeya. Mu Nkulo ya Chalichi ca Laodekeya, pali yonse ama chalichi yambi, Laodekeya, eyakulekelesha, inkulo ya chalichi iya cifule fule, Kristu ali kunse iya chalichi. Onse uubelenga wa Baibele alishiba ico. Ukusokolola 3, Ali kunse ya chalichi ukweshu ukufwaya ukweshu ukufwaya inshila Yakwe iyakubwelelamo mukati nakabili, kabili tacatala landa ukutila Alingile mukati. “Lelo abengi abo Atemenwe, Abakalipile nokubafopaula.” I Mbila kuti yakalipila nokufopaula abo bonse abo Atemwa. Nomba, alekonkonsha, ukweshu ukwingila mukati; imfifi yaisalile Ico, bwino bwinofye ico icaisa fikilishiwa. Ulubuuto Ulo ulubengeshima, nombaline luli nokwisalilwa mukupwililika. Lwena luli nokuya mumibele iyacipasho muciswango. Kabili natwishiba ifyo ico cilepilibula, iyo enshita yakulekelesha.

⁴⁹ Lesa, mukutendeka, apatulwile ulubuuto ukufuma kumfifi, kabili ico eco Lesa alecita nakabili. Lesa alepatulula ulubuuto ukufuma ku mfifi. “Ku kutendeka,” Atile, “lekeni kube ulubuuto.” Nomba, ibukisheni, teti kube ulubuuto kunse ya Cebo cakwa Lesa. Kalya kene akasuba kulya kunse e Cebo cakwa Lesa icalangwa. Kwali imfifi iyafitisha pe sonde, fube fube ne kumbi lya menshi ayanono pe sonde, kabili Lesa atile, “Lekeni kube ulubuuto.” Nomba nga cakutila ulubuuto talwishile? Nomba Ena teti cimucitile icintu icisuma. Lelo lintu Atile, “Lekeni kube ulubuuto,” nolubuuto lwaishilebapo, ukushininkisha ukutila i Cebo Cakwe cali icalungama. Lulya ulubuuto ulu twikalilamo na leelo.

⁵⁰ Kabili u Lubuuto fye lumo ulu twingakwata ileelo, mu chalichi ni Lesa ukulangisha u Lubuuto Lwakwe kuli iyi nkulo.

⁵¹ Cila nkulo yapelwe icikalamba nganshi, cacitike munshiku shabo. Bonse twalishiba ico. Bakasesema baishile moneka. Bena, i Cebo cakwa Shikulu caishile kuli bena, bakutulwike Cena. *Kacefya* mu Cipangano ca Kale cilepilibula ukutila, “umo uo i Cebo casokolwelwako.” Kabili nomusango beshibilamo ico, pantu ena aleshiba ifintu ifyo ifili nokwisa. Nomba i Cebo cakwa Shikulu caishile kuli bena muli cila inkulo.

⁵² Yesu atile kuli Yohane, palwa kwa Yohane, “Ali ulubuuto ulusuma kabili ulwabengeshima, ulwa pakashita.” Mulandu nshi? Esaya, imyaka imyanda cine lubali ne kumi limo na ibili ilyo talafyalwa, atile, “Kuli ishiwi ilya umu uulebilibikisha mu matololo.” Malaki, chapitala 3, itila, “Moneni, Ndetuma

inkombe Yandi ku cinso Candi, ukupekanya inshila ilyo Nshilaisa.” Mwamona, ewali cilya i Cebo icaleshininkishiwa. I Cebo cilya icalailwe ica bulya ubushiku, ali nilulya ulubuuto, pantu alelenga ukwisa mukufikilishiwa cilya cine i Cebo ico Lesa alandile palwa ena.

⁵³ Kabili lintu Yesu aishile, Yohane atile, “Mfwile nacepa nomba; Afwile aisamo nokumoneka.” Kabili Ewali ulubuuto. Ukuya monse mu nkulo, ifyo Lesa alandile pali ilya inshita ukwisa!

⁵⁴ Nimumusango nshi balya ababomfi bakwa Lesa bafililwe ukumona Ico? Bafililwe shani? Nimumusango nshi aba Fariseo naba Saduke bafililwe ukumona? Atile, “Mufwaya mu Malembo, pantu muli Yena imwe mutontonkanya ukutula namukwata u Mweo wa Muyayaya, kabili Yena Eyamo ayapela ubunte pali Ine.” Nimumusango nshi bafililwe ukumona Cena, mweba bwananyina? Nimukutula cena casesemwe ukutula bali nokucita ico.

⁵⁵ Kabili ifyo eflyo cili ne leelo, ukutula ilya imfifi iyafitisha iikalamba ileisa pa bantu, kabili tuli pano! Lesa alipela i Cebo Cakwe ukutula cingalangwa muli buno bushiku, kabili e Lubuuto fye lumo twakwata, kabili Lesa ali nokuleka umuntu umo ukulangisha cilya i Cebo. Umuntu umo ali nokucita ico. Alandile ico, kabili Ena abombafye bwino bwino kwati fintu lyonse Acitile ukupitila muli ico.

⁵⁶ Ena tatala pilibula umusango wakubombelamo Kwakwe. Kabili alasesema ifyo ifili nokucitika, nomba elo Atuma umuntu umo nokulangisha ico. Kabili cilaya nokupita pa mitwe yama millions, pantu, imfifi yafimbile pe sonde pali ilya nshita. Kabili abantu batemwa imfifi bwino ukucila ifyo bacita ku Lubuuto, pantu imfifi yalikwata ifyakwangala ifingi.

⁵⁷ Nalimwene ubwangalo bwapa Hollywood, tapapitile inshita, bwaletila, “Ubwikashi butampa panuma akasuba kawa.” Ilyo elyo imfwa itampa; muli yonse aya amakalabu yabushiku, kabili apo batontonkanya ukutula bali no mweo. Bena balefwa.

⁵⁸ Lesa, pa kutendeka, apatulwile ulubuuto ukufuma kumfifi. Ena lyonse alacita ico. Cinshi ico Acita? Alafininkisha ico ukupitila mu lubuuto ululeisa, Alafininkisha imfifi ukuibika kulubali lumo ulwe sonde.

⁵⁹ Kabili ico bwino bwino fye ecileisa mukufikilishiwa nomba. Cena cilifye ilyo akasuba takalabako. Ulutanda lwa kumaca nalwisa nokusengela ubushiku ubuleisa. Kabili no Mupashi wa Mushilo alelangisha u Lubuuto Lwauko. Kuleisa inshita lintu u Lubuuto ne mfifi fikapatululwa, cimo ukufuma kucibiye. Ichalichi nomutande wa ciko fikakonka umutande wakasuba; kabili Kristu nobulayo bwa Lubuuto lwa Cebo Cakwe fili nokuya Mukusumbulwa. Ico ecintufye cimo icashalako kuli

bena ukucita. Bwena bushiku, ileelo, ekufyalwa ukwa bushiku ubupya, ku bengi abo abalelolesha ku Kwisa Kakwe.

⁶⁰ Abengi nganshi, abantu abasuma abacishinka ileelo, ico ecoca imitima yabo, abengi nganshi, abantu abasuma abacishinka nga Maliya na Yosefe. Balefuma kumutebeto, kabili balufishe Yesu. Abantu abengi balacita icintu cimo cine ileelo, ukutontokanya ukutula Ena ali pamo na bena. Nomba, Ndefwaya ukubika ulu ulubuuto ulunono kuli imwe, ukumilangisha ifyo i Cebo cakwa Lesa caba icituntulu.

⁶¹ Ifwe bonse pano, muno cungulo kasuba, fwebena Kristu, twacetekela ukutula Yesu Kristu e Cebo cakwa Lesa, icasokololwa. Twacetekela ukutula Afyelwe kuli nacisungu. Ena ewali ihema ilyo Lesa uwamaka yonse aingilemo, pali lino isonde. Te kasesema fye, te muntufye fye, lelo ni Lesa u Mwine uwailangishe mumibele ya muntu. Ena ali ni *Emmanuele*, “Lesu uwaba pamo na ifwe.” Twalicetekela ico ne mitima yesu yonse. Kabili nomba moneni lintu Malita nangu. . .

⁶² Maliya, ukuba, na Yosefe, baletontokanya ukutula Yesu ali pamo nabena, baleelenganya ukutula Ali pamo nabena, ukutontokanya, “Cena califye icalungama. Ena afwile aba pamo naifwe.” Lelo bena bali abalufyanya ababulanda. Tali nabo.

⁶³ Eico abengi, abantu abasuma ngefyo ileelo. Batontokanya, balemona inshita ilepalamina, baleshiba ukutula icintu cimo cili mupepi nokucitika, cinshi ico bacita? Baya mukwampana ne chalichi, ukutontokanya ukutula Ali pamo nabena. Balaposhanya mumaboko pamo na kashimikila, ukutontokanya ukutula ifyo efyo bafwile ukucita, “Ali pamo nabena.” Ukushininkishiwa nangu ukubatishiwa mu nshila imo, epelafye efyo bafwile bacita, ukutontokanya ukutula Yesu ali pamo nabena. Munyina, nkashi, pamofye nga Maliya, Yosefe, abakale, abantu abacishinka nganshi, cibe bena bali mucilubo.

⁶⁴ Umweo obe ulashininkisha nga cakutula Yesu ali pamo naiwe nangu iyo. Umweo obe ulangisha nga cakutula Ali *pamo* naiwe, nangu nga cakutula Acili mu myuulu Yakwe nangu iyo, conse ico uli. “Imilimo intu Ncita naimwe muli nokucita pamo.” Kuti mwakwata shani Kristu muli imwe, kabili naulya wine u Mupashi muli imwe uulekana i Cebo Cakwe, mwabula ifisumino mucifulo ca ico? Ico tekuti cicite ico. Ena kuti aicimfya umwine pa Lwakwe ukupitula mukukana i Cebo Cakwe Umwine.

⁶⁵ Pamulandu wakutula umuntu umo abikile ubupilibulo bwalubana pali Ico? Imwe mwalikwata Baibele, kuti mwabelenga ngo muntu onse umbi. Mube abacishinka.

⁶⁶ Davidi atile, “Mulemubika Ena lyonse ku cinso cenu.” Mwishibe ukutula lintu tulekumana muli uno umwaka uupya, tulekumanina mu maka ya kubuka kwakwa Kristu. “Ena lyonse aba kuntanshi yandi. Nshili nokusunkanishiwa.”

67 Moneni ifyo i Cebo caba icabula akabi. Maliya na Yosefe . . . Nomba kuli imwe, mwe batemwikwa bacibusa ba Katolika, imwe mwebatile Maliya ali ni nyina wakwa Lesa. Maliya tali ni nyina wakwa Yesu, nangu ukuba nyina wakwa Lesa. Kuti aba shani ifyo? Nacilungama. Na panshita imo Tamwitilepo nyina wakwe; nakalya.

68 Baishile kuli Ena panshita imo, nokutila, “Banoko bobbe naba munyina bobbe balekulolela panse.”

69 Aloleshe pa lukuta Lwakwe, atile, “Mayo Wandi ninani? Ba munyinane Bandi nibanani?” Aloleshe pa basambi Bakwe, atile, “Abo abacita ubufwayo bwakwa Taata Wandi, abo ebaba cimo cine nga mayo Wandi, Owe . . .”

70 Pa capindama, lintu Alefwa, Ena pamo alandile icintu cimo cine. Atile kuli Yohane, Yohane apa, uyu muntu, “we Mwana, mona noko obe!” Te, “Mayo, mona umwana obe.” “We mwanakashi, mona umwana obe!” Te, wamona, tali ni nyina wakwa Lesa.

71 Alifye lifumo ilyo Lesa aashime ukubomfya; takwali umwanakashi umbi untu Lesa atontonkenye ukubomfya. Ena limbi kuti abomfya (ilyobe) ifumo lya mutima obe, ukulanda u Mwana Wakwe, nga cakutila iwe—nga cakutila iwe walekafye Ena ukucita ico. Mwamona? Tecakutila ni nyina wakwa Lesa. Palingile ukuba icakumfwa, nangufye ukuba ulubuuto lwakwa Maliya. Tali nangufye lubuuto ukufuma kuli Maliya.

72 Cena cali, icintu conse, Ali ni Lesa, Kabumba. Nga cakutila Adamu uwakubalilapo kunuma kulya apangilwe ukwabula wishi na nyina, Adamu Wacibili ali cimo cine. Kabili necintu conse icacepako tekuti cimubike Ena ukuba uwalingana pamo na Ena. Ico nacilungama. Lesa umo Wine, Abumbile umubili untu Ena umwine pa Lwakwe aikelemo.

73 Nomba tulesanga, lolesheni ifyo, lolesheni, nga cakutila Maliya ali ni nyina wakwa Lesa, ifyo ena apushile, kulya. Atile, “wiso Obe na Ine natukufwaya Iwe nefilamba.” Ukukana ukufyala kwakwa nacingu, “wiso Obe, Yosefe, na Ine, natukufwaya Iwe.”

74 Moneni ulya u Mulumendo uwa myaka yakufyalwa ikumi limo naibili, u Mwana uwa myaka yakufyalwa ikumi limo naibili, atile, “Bushe tamwishibe ukutila Mfwile naba pamulimo wakwa Taata Wandi, ukulanshanya nafyena ifilonganino kulya?” Nomba, nga cakutila Ali pamo nomulimo wakwa Yosefe, nga Ali mulya mwishopo lyakwa kapala wa mbao. Yosefe tali ni wishi Wakwe. Lesa ewali Wishi Wakwe. “Bushe tamwishibe ukutila Mfwile ukuba pa mulimo wakwa Taata Wandi?” Kulya kwine, pa myaka ikumi naibili iya kufyalwa, ali pamo nabalya bashimapepo abasambilile. Taikele nobushiku bumo mwi sukuulu, lelo bena balisungwike pa mano. Kabili lolesheni pali . . .

⁷⁵ Ali Cebo. Lintu Afyelwe, Ali Cebo. Ena acili Cebo. Moneni, i Cebo tekuti cibule icakupangafye. Atile, “wiso obe na Ine natukufwaya Iwe nefilamba.”

⁷⁶ Atile, “Bushe tamwishibe ukutila Mfwile naba pamulimo wakwa Taata Wandii?”

⁷⁷ Akalipile nyina Wakwe Wine? Mulandu nshi? Ali Cebo. Kuti pabapo ilipusho mu mano ya muntu umo, nga cakutila Maliya apa, uyo panshita imo uwatile “Mupashi wa Mushilo” amufimbile nokufyala u Mwana, kabili nomba apa aleita Yosefe ukutila e wishi. I Cebo calipwililika. Tekuti cifilwe.

⁷⁸ “Imwe tamwishibe ukutila Mfwile ukuba pamulimo wakwa Taata Wandii?” Kabili Ali pamulimo wakwa Wishi; te—temulimo wakwa Yosefe, ukupanga ifibi ne—nefintu fyabukapala wa mbao. Ali pamulimo wakwa Wishi Wakwe, alelsingika ifikansa fya bukapepa ifyo bakwete muli bulya ubushiku. “Tamwishibe ukutila Mfwile naba pamulimo wakwa Taata Wandii?” Ee, mukwai.

⁷⁹ Abantu abengi ileelo, muyengi aya ama chalichi ayasuma, baleya muli cilya icisaka ca chalichi; te “kuya” mukati, baba mulya akale. Baleiluka ukutila ico bwino bwino ecintu icakucita, “Aba bucibusa, abasuma, mulandu nshi tatwingeshila bonse capamo?” Mulandu nshi, bena baleesha, fyonse, pa myaka, ukupanga bonse ba Methodistii ukuba ba Baptistii, kabili na bonse ba Baptistii ukuba ba Presbyterianii; Ba Pentecostii balyesha ukupanga bonse ukuba ba Pentecostii. Imwe tekuti mucite ico, lelo abasalwa ukupanda amano ebwasuko kuli imwe. Ubo ebwasuko, ico Baibele yalanda ukutila bali nokucita, kabili ico bwino bwinofye eco bacita. Ama chalichi ya bucibusa yaba, ee, mukwai, ukuba capamo, “Abasuma, natukwate isenge!”

⁸⁰ Baibele itila, “Bushe babili kuti baendela shani pamo kano bena basuminishanya?”

⁸¹ Bamo pali ayo balikana ukufyala kwakwa nacisungu. Eite pesenti pama chalichi yaba Protestantii yalikana ukufyala kwakwa nacisungu. Kabili yalikana ulubatisho lwa Mupashi wa Mushilo. Balakana ifishibilo Fyakwisa Kwakwe, na Maka yakubuuka. Balakana Ena ukuba cimo cine mailo, ileelo, no muyayaya. Kuti caba shani imwe, lintu Lesa abikile conse ici icimfulunganya mwi sonde pantu umwanakashi atwishike icipandwa icinono ica Cebo Cakwe? Satana amwebele i Cine, conse lelofye icintu cimo, lelo ico ecintu icaletele amafya yonse. Nomba, nga cakutila fyonse ifi ifya kukalifya imitwe nobulanda ubo mufwile mwaloleshapo, pantu icipandwa icinono ica ico Calitwishikwe, bushe muletontonkanya icintu cimo icinono icakutwishika ukutila cili nokutwingisha mukati?

⁸² Uyo wine emulandu Yesu aleishila kuli Nacisungu ushaikatwamo, uwabula akabi, uwaisulamo na Mupashi wa Mushilo, kabili uushili wamwi sonde, lelo uwa mu Maka yakwa

Lesa. Oh, ifyo caba icisuma ukwishiba ukutila kuti cacitwa ukwingila muli ili Ibumba! Kuti mwacita shani ico? Imwe teti mucite ico ukupitila mukwampana ukwingila mukabungwe. Imwe muli nokucita ico lintu mwabatishiwa ukupitila muli Mupashi wa Mushilo, ukwingila mu Mubili uushifwa uwakwa Yesu Kristu nokwima pamo Nankwe mukubuuka, ukukakulwa ukufuma kumfwa na kulubembu. Iyoine enshilafye imo.

⁸³ Imfifi! Ifilonganino ifikalamba, kabili ne bumba ilikalamba ilya bantu ukwisa capamo nokubika amano yabo pali Cena, ico cilebika imwe bwino bwino kulya kunuma mukupilibula kwati fintu cali ku kutendeka. Takwali isubilo nakalya muli ulya umulandu; iwe ninshi nauyafye. Kabili nabonse ukumonekafye ukuba abakumbaulwa palwa aya amachalichi ya bucibusa, tontonkanyeni nga cakutila Lesa kuti aba pamo nabena. “Ukuba, imyaka Ikana limo ili nokutampa lintu bakapanda wa mano baisa capamo palya, nafyonse ifyakusumbula ukumfwana, nefyaba ngefyo,” kabili baingilamo. Cinshi ico balecita? Kupanga icipasho ukulola kuciswango, amaka, ukutila abo bonse abashaba mufilonganino, nefyaba ngefyo, abo abashakengilemo pamo nabena, bakesalilwa kunse. Monenifye nokumona nga cakutila ico cacitika.

⁸⁴ Ninkwata ico icalembwa panshi apa, bulya bwine ubushiku ifwe. . . Shikulu Anengele ine ukumona ico mu 1933. Kabili cili apa bwino bwino fye munshila iyo ena. . . Calandilwemo, ukwisa fye munshila imoine, ifyo papa ali nokufuma mu Rome, nefyaba ngefyo.

⁸⁵ Nomba, bena bantu abasuma, lelo babafye mucilubo. Yosefe na Maliya bali abantu abasuma, lelo bali mucilubo icituntulu. Lelo cali ni cinshi? Lesa abomfeshe Umulumendo uwa myaka ikumi limo na ibiili iyakufyalwa ukulangisha ukutila cilya i Cebo cifwile caikala icapwililika, bwino bwinofye efyo Cali, ifyo Calandile mukubalilapo, “Afyelwe kuli nacisungu,” kabili ifyo fine efyo Ali.

⁸⁶ Ukutontonkanya ukuti Ali pamo nabena lintu bailundile muma chalichi, nefyaba ngefyo, lelo Cena tacali ifyo. Nomba, lelo ku Basalwa. . . Nomba, iyo emfifi, kabili kuti Naikala pali ico pali ora naimbi.

⁸⁷ Lelo ku Basalwa, abasuma kabili abaitwa, kuli Mwebashila bakwa Lesa, Ndetila kuli imwe, muli uno umwaka uuleisa: Umutende, umutende wakwa Lesa!

⁸⁸ Inshita ili pano! Nga cakutila Ekonali kulya kunuma ilyo inshiku tashilafika isho isonde lyabumbilwemo, nokulolesha panshi no kumona icintu conse, kabili na Taata atile kuli ine, “Bushiku nshi iwe wingafwaya ukwikalamo?” Ine kuti natila nombaline, iine e nshita! Ino e ora! Inoine enshita i Chalichi cifwile caingila mukati, ilyofye ukwisa kwakwa Shibwinga takulacitwa. Oh, i Chalichi cine cine icakwa Lesa wa Mweo

cifwile caba pamulilo, cilepya, pamo no Lubuuto lwa Mbila nsuma ululelangwa pakati kabo. “Imeni nokubengeshima, pantu u Lubuuto nalwisa kuli imwe,” u Lubuuto lwa muli buno ubushiku. Esaya ewali ulubuuto ulwa mubushiku bwakwe. Noah ewali ulubuuto ulwa mubushiku bwakwe. Mulandu nshi? Akwete i Cebo icasokolweke. Kabili ne Mbila nsuma, i Fyebo fyamuli Baibele ifya buno ubushiku, e Lubuuto lwa kasuba. We nshita we iyalulumbi iyo tuleikalilamo!

⁸⁹ Nomba, “mwashibukeni” cipilibula *umutende*. Imfifi ilekolongana pamo. Cinshi ico ilekolonganinapo? Kulangisha u Lubuuto. Esaya 60:1, “Ima no kubalika, pantu ulubuuto nalwisa kuli iwe.” Uyo wine emulandu Ningalandila “Umutende,” u Lubuuto nalwisa kuli iwe, umutende wakwa Lesa ku Mwanakashi uwasalwa, kuli Namayo wasalwa; abo abo Lesa, ilyo umufula we sonde taulabako, aitle nokubalashika kuli Ico.

⁹⁰ Abashala muli bena tabakatale ukumona Cena. Bena tabakatale ukwishibapo nangu cimo palwa Ico. Baibele efyo yalanda. Kabili Yesu atile, “Takuli umuntu uwingesa kuli Ine kano Taata Wandu amuleta, mukubalilapo; kabili bonse abo Taata Ampela bakesa.” Ico cili . . .

⁹¹ Palya paiminine Yuda, u Lubuuto lulebengeshima pamuulu *apa*, lelo kunuma mu mutima wakwe mwali ulubuto lwafita. Lintu icakuilangisha caishile, imfifi yalangilwe.

⁹² Apa pali umunono, umwanakashi umukalamba, uwafiita monse, *pano* pamuulu na kuntanshi, lelo *pano* pesamba ali lubuto lwamwenenwe libela. Kabili lintu u Lubuuto lwaishile, Lwasalanganaye mfifi, kabili lwalangilwe. “Twalishiba Mesiya ali nokwisa, kabili, lintu Akesa, Akatulangisha ifi ifintu.”

Yesu atile, “Nine Wine.”

⁹³ Lelo Yuda alitwishike Ico, cibe alingile ukulaendela mu Lubuuto. Mwamona, u Lubuuto pa muulu *apa* talulesakamika; cena Lubuuto pesamba *apa* elwaba icintu. U Lubuuto pamuulu *apa* luli nokwenda nokukwata isenge, kabili ne fintu fyonse fimbi; lelo lintu amaka yakwa Lesa ayatuntulu yaisamo, yena tekuti yabwelele kuli *ulu* ulubuto lwafwa, lwena luli nokulangisha mucilonganino.

⁹⁴ Lelo lintu Lwabwelela *apa*, ulutuntulu, ulubuto lwamwenwa libela, lintu lulya u Lubuuto lwaisa pesamba apa, kulangisha imfifi yonse ukufuma pali iwe, nokubika iwe mwisenge pamo na Kristu. Ena e Umo Uwapele iwe u Mweo ilyo umufula we sonde taulabako, nga teifyo tekuti umone Cena, ico Lesa alandile.

⁹⁵ Nomba, kuli iwe we Lubuto lwamwenwa libela, Umutende! Ameni. Umutende wakwa Lesa ube pali iwe, pantu tuli mupepi naku mpela nomba. Tulifye palya pene pampela. Twalalanda pali lilya ibumba, pakashita akanono. Umutende!

⁹⁶ Ulubuuto lwakwa Lesa nalwisa. I Cebo, u Lubuuto, nalushininkishiwa nakabili, eico pakutila mwingamona ukulangwa kwabulayo bwakwa Lesa ubwa buno ubushiku. “Mufwaya mu Malembo, muli Yena mutontonkanya ukutila namukwata u Mweo wa Muyayaya.” Yena yapela ubunte pa bushiku ubo tuleikalilamo. Lubuuto Nshi ulwa buno bushiku? Cinshi ico Baibele yalaya muli buno ubushiku? Moneni ifyo inshita ili!

⁹⁷ Emulandu wine Yesu abakalipile pakukana cetekela Yohane. Ali lubuuto, pantu kasesema atile ali nokwisa. Kabili ali palya, ulubuuto ulwalangwa. Tabacimwene ico. Tabacikutulwike ico; bena batontonkenye ukutila ali ni Messiya, kabili *ben*a batontonkenye icintu cimo cimbi, *neci* cimo cimbi. Bafililwe ukumona Cena.

Yesu aishile. Ulubuuto lubili tekuti lubengeshime panshita imoine.

⁹⁸ Tekuti kube ulubuuto lwa chalichi no Lubuuto lwakwa Lesa ukubengeshima panshita imoine. Cena cifwile caba u Lubuuto lwakwa Lesa ukushimya ulubuuto lwa chalichi. Kabili ico bwino bwino ecilecitika ileelo. Lesa alepatula bu chalichi ukubufumya ku Lubuuto Lwakwe ulwa bulayo bwa Cebo ubwa ino nshita tuleikalilamo. Ico e Cine, cibusa. Tekuti iwe ufwaye ukucetekela ico, lelo iwe lolelifye kabili ufwailishe nga cakutila cili ifyo nangu iyo. Wilolela, cawama iwe waingilamo nombaline ilyo kucili inshita iyakwingilamo.

⁹⁹ I Cebo Lubuuto lintu Cena cashininkishiwa. Mpaka i Cebo, icalaiwa ica bushiku, cashininkishiwa, nomba cena ninshi te Lubuuto. Tekuti cibe iyo. Nga cakutila Lesa atile, “Lekeni kube ulubuuto,” kabili nakasuba kakana ukubapo, nomba ninshi takuli ulubuuto. Lelo lintu Lesa atile, “Lekeni kube ulubuuto,” kabili kwali ulubuuto. Lintu Lesa alaile Messiya, Messiya aishile, nomba i Cebo Cakwe cafikilishiwe kabili Ewali u Lubuuto lwanshita. Lintu Alaile Noah, kabili Alaile bambi, kabili nokuyako pesamba, bali lubuuto lwa nshita.

¹⁰⁰ Kabili kuliko u Lubuuto ulwa nshita ileelo, uyo ni Yesu Kristu mumaka yakubuuka Kwakwe, Cebo Cakwe icalaiwa muli buno ubushiku. “Imilimo intu Ncita, naimwe mukacita pamo; iikalamba iingi ukucila pali iyi mukacita, pantu Ndeya kuli Taata.” Imilimo iikalamba, ifintu ifikalamba ukucila pafyo Acitile? Bushe namucetekela ico? Nincetekela cena. Cilemoneka kwati icaicefya. Cilemoneka kwati naciya pamuulu wa mitwe ya bantu. Lolesheni lintu Ali pano pe sonde, kuti wacita shani “iikalambapo” imilimo? Nalipilibula ico, imiku iingi, “ukucilapo,” lelo icintu cimocine. “Iikalambapo,” Atile mu Washila Yohane 14:12, “imilimo iikalamba ukucila pali iyi mukacita.”

¹⁰¹ Bushe mwalimona? Lintu Aile mukupanga amenshi mu mwangashi, Abulile amenshi, mukubalilapo; icintu icapangwa akale, nokucipilibula mu mwangashi. Lintu Alishishe abantu amakana yasano, Abulile isabi ilyo pa nshita imo lyalesamba mu menshi, aputawile, nokupela, kabili afushishe ububumbo. Abulile umukate uyo uwali panshita imo ingano, apangile mu mukate, nokuumokaula kabili nokuupela ku . . . aupele ku bantu, kabili wena wabwelele nakabili. Afushishe ububumbo!

¹⁰² Lelo mu nshiku shakulekelesha, apo apashili necishibilo cabubumbo, Alandile ico mu mubumbo, nangu cibe ifyo, ukulangisha ukuba Lesa umowine ulya uwali mukutendeka. Ena kuti apanga utupale, kuti Apanga conse ico Alefwaya ukupanga, pantu Ena ni Lesa. “Ifintu ifikalamba ukucila pali ifi mukacita, pantu Ndeya kuli Taata Wandi.” I Cebo tacakwatamo icilubo, kabili Cifwile calangwa kabili cifwile cafikilishiwa. “Ukucila pali ifi imwe muli nokucita,” tekufusha, lelo kulanda fyabako mububumbo.

¹⁰³ Moneni pa Cebo nombamba lintu Alaile. Nipesa, apo tuli, nombamba? Bushiku nshi ubo tuleikalilamo? Ninshita nshi? Kulangwa ukwa Cebo cakwa Lesa, nga fintu caba munshita shonse. Imwe namukwata i Mbila pa *Nkulo shama Chalichi Cine lubali*. Moneni bwino bwino ifyo cila cimo pali filya ifiswango ifyafumine ukuya, kabili i Fiswango filya ifyabakonkele bena. Moneni bwino bwino nga cakutula tacaumine ukupitila mu nkulo yaba kalungika, namunkulo yonse, bwino bwino fyefye munshila cena cali nokubelamo, bwino bwino fyefye ifyo i Cebo calandile. Kabili ifyo fine efyo Mupashi wa Mushilo ali nokulangisha ileelo bwino bwino fyefye ifyo Baibele yalanda cili nokuba.

¹⁰⁴ Tulemona ifinshingwa mu muulu na pesonde, kabili ne fintu fyonse, nabasalwa ukupanda amano ne fintu ukuba ifyaipekanya.

¹⁰⁵ Kabili tulemona, pakati akaico, Imbila nsuma iya bukata iyakwa Yesu Kristu, iyalaiwa muli buno bushiku, ileilangisha iine pa Lwaiko. Tuleikala munshita iisuma. Umutende kuli imwe mwebakwete i Cebo mu mitima yenu, mwebasalilwe ilyo umufula we sonde taulabako, ukumfwa i Cebo ica buno ubushiku. Nga tamukwete, mwaka uwabipa kuli imwe kuntanshi yenu. Nga cakutula namukwata, lisonde ilikalamba kuli imwe kuntanshi yenu, nangu ubushiku ubukalamba, umwaka ukalamba uuleisa, umwaka uupya.

¹⁰⁶ Tekupilibula ibula lipya; abantu abengi balesha ukupilibula ibula lipya pa mwaka uupya, ukupilibula lyena ubushiku bwakonkapo.

¹⁰⁷ Kwati ngelyashi ilinono Nalebelenga ulucelo lumbi. Umukashi abilikishe ku mulume wakwe, uwaimine ulucelo kabili aile nokuya shita ipepala lya lyashi ilya lucelo, kabili

alebelenga ipepala lya lucelo. Atile. . . Atile, “Bushe muliko icili conse icipya mulyashi?”

Atile, “Iyo, fintu fye fimo fine, lelo abantu abapusana pusana.”

¹⁰⁸ Ico emunshila cibelemo ileelo, cintu cimo cine. Twalikwata akabungwe akapya, nesambilisho limo line ilyakale; kulisungililafye, umuntu umo ukukwata icakupilibuka icinono ica ico ukuya muli *iyi* nshila nangu muli *ilya* nshila.

¹⁰⁹ Buno bushiku ubupya. Alleluya! Buno bushiku ubo tufwile twaima nokubengeshima, mu Maka yakwa Yesu Kristu. Imfifi iyafitisha ukwikala pe sonde; kufwile kwaba ubushiku ubupya kuli ifwe, ee, icine cine, ukucita ico munshila Acitilamo. Lelo ukupilibukila ku Cebo Cakwe nokumona ubulayo ubwalaiwa muli buno ubushiku, kabili kuti waishiba nga cakutila uweikala mu bushiku bwa Lubuuto nangu iyo. Ukucinja kalenda tekucinja inshita; cena kucinjafye kalenda.

¹¹⁰ Nomba kutikisheni. Mucite nga fintu Davidi acitile, bikeni ukwikala kwaku ntanshi Yenu mukuboko kwakwe. “Musango nshi? Cinshi ico Mfwile ukucita, Munyina Branham?” Bika ubwikashi bobbe ubwa kuntanshi mukuboko Kwakwe. Temulandu ne caisa nangu ukuya; Mucetekele. Ena e Cebo, nomba ishiba. Davidi atile, “Inshita yakwe ili mu kuboko Kwandi. Cetekela muli Ena inshita yonse. Lyonse ulecetekela muli Ena.” Alishibe Uyo uwaikate ubwikashi bwakuntanshi, Davidi alicitile, uyo wine emulandu alandile ici. Kwabafye Umo uyo uwaishiba ubwikashi bwa kuntanshi, uyo ni Lesa. Eico, Alikata u—ubwikashi bwa kuntanshi, leka Ena ekate iwe. Nacilungama.

¹¹¹ Abantu bamo batila, “Lelo, Munyina Branham, Ine nalyesha kabili Nalyesha.”

¹¹² Lelo lolalako pakashita akanono. Ukutekanya maka. Ukutekanya maka ya Mupashi wa Mushilo. “Abo abalolela pali Shikulu bakalenga cipya cipya amaka yabo.”

¹¹³ Mwatila, “Kuti Nalolela ukufika pa nshita nshi?” Twalililapofye ukulolela. Lintu wacita fyonse ifyo wingacita pakwiminina, nomba iminina, mwamona, imininafye. “Nimumusango nshi Ndi nokucitilamo ico?” Iminina! Atile e Cine, kabili cena e Cine. Atile cili nokucitika. “Mumusango nshi?” Nshishibe; lelo cili nokucitika. Alandile ifyo. Alaile ico. Nga cakutila Alaile ico, cena cili nokucitika. Epelafye. Tekutti conaike.

¹¹⁴ Eico nomba ibukishenifye, Lesa asendele amakana ya myaka ukufikilisha ubulayo Bwakwe ubwakwisa kwakwa Kalubula. Imyaka amakana yane, Lesa camusendele ukufikilisha bulya ubulayo. Lelo Alishibe, ukufuma ku kutendeka, ninshita nshi cili nokucitika. Alishibe; takuli nangu umo uwaishibe. Alandilefye ukutula cili nokucitika. Kabili lintu cacitike,

abantu bali mucabufi ngeco, mpaka tabaishibe nomusango wakucipokelelamo. Nga cakutula cilya icintu cimo cine tacabwekeshapo nakabili! Lyonse cilacita, tacifilwa, kumbali shonse shibili, lyonse.

115 Cinshi ico Acitile muli iyi imyaka? Alangishe imisango Yakwe iyakwisa.

116 Alicilangishe muli Yosefe. Nga cakutula mwalolesha pa mweo wakwa Yosefe; uwapatilwe kuli ba munyina bakwe, atemwikwe kuli taata wakwe. Mulandu nshi? Pantu ali uwa bumupashi, pantu alemona ifimonwa. Abashala tabalemona ifimonwa; bali fikolwe lelo tabalemona ifimonwa, tabalepilibula ifiloto. Lelo balimukwatile akalumwa. Kabili bamushitishe mucipi nempiya amakumi yatatu isha silufele, bamufumishe mucilindi umo bali nokumwipaila, aikele kukuboko ukwa kulyo ukwakwa Farao. Kabili lintu ashile icipuna ca bufumu, ipenga lyalilile, “Nokufukama pa makufi; Yosefe aleisa!”

117 Bwino bwino fye muco Yesu acitilwe, aikala ku kuboko ukwa kulyo ukwakwa Lesa. Kabili lintu Akafuma pa Cipuna ca bufumu, amapenga yakalila. Kabili nekufi lyonse likafukama, nokulanda kuli Yesu Kristu, u Mwana wakwa Lesa. Bwino bwinofye.

118 Acilangishe mukupashanya kwakwa Davidi, lintu ali pa . . . imfumu iyasulwa ilelolesha pali Yerusalemu, ilelila. “Miku inga Ningekatilila iwe, nga fintu nankoko afukatila abana bakwe, lelo iwe tekuti ucite ico.”

119 Ukupita monse munkulo, Acilangishe mukupashanya, ukwishiba ukutila ubushiku icakupashanya cakulekelesha cikafikilishiwa, kabili nomwisulo wakulangwa ukwa bulayo bwakwa Mesiya Bwakwe buli nokuba kulya. Kabili lintu umwisulo wa bulayo waisa, nangu Acipashenye ico . . . Ubushiku ukukonka pa bushiku bunankwe, umwaka ukukonka pa mwaka unankwe, Acipashenye ico. Kabili lintu caishileba mukucitwa, bena tabacicetekele.

120 Alicita icintu cimo cine, ukupashanya cena, kabili alilangisha ico mu nkulo shama chalichi, ne fintu fyonse, ukufika ku nshita iyo tuleikalilamo, kabili abantu bali mumfifi iyafitisha iikalamba, balemoneka kwati bena tekutifye bacumfwikishe. Icintu cabulanda icaba ifyo!

121 Tacicililepo pafyo tulemona umulumendo pano, umusuma, umukalamba, umuntu uwakulwa bwino pamo nomushishi wakwe, ifyo aupombanya ngafintu abanakashi bacita, nafwala necakufwala caikata, kabili nasweta iikalamba iitali ileselela panshi, nensapato shakashikilila nafwala. Uwa caume? Oh, owe, wecintu we icabipisha icakwita umwaume! Wecintu we icakwita umwaume! Ico nacilungama.

122 Moneni abanakashi bamo abafwile ukuba abakanshiwa kabili abasuma, bafuma nabafwala itoloshi lya mwaume,

nomushanga mukanwa kakwe nomushishi uwa putulwapo. Wecintu we icakwita umwanakashi! Yesu aitile Maliya, “wemwanakashi.” Tafwile ukwitwa nefyo; umwanakashifye.

¹²³ Moneni, kabili inshita! Mulandu nshi? Inshita shimo shimo abantu abalanda nokutontonkanya ukutila bacishinka, lelo imfifi iyafitisha iikalamba yalibabika muli ici. Baibele Yatila bali nokuba ngefyo. Mubelenge Esaya 6 kabili mufwailishe nga cakutila abanakashi tabali nokucita muli iyo nshila munshiku shakulekelesha, bwino bwino fyeco eco Baibele yalanda bali nokucita. Cena Cebo cakwa Lesa. Yeremia nabalekana lekana balandile pali iyi nshita iyo tuleikalilamo, pantu bamwene impela ukufuma ku kutendeka. Eico tulemona ifi fintu, kabili nemfifi iikalamba iya fitisha pa bantu.

¹²⁴ Ee, casendele Lesa imyaka amakana, ukuposa... ukulangisha ifyakupashanya ne fintu fyonse, kabili mukulekelesha tabamwishibe Ena lintu Aishile, nangu Alangishiwe muli Yosefe na Davidi na Eliya, nabonse ukuya pesamba palya. Alangishiwe pamo nabena, kabili cibe tekuti tukutuluke umulandu tabamwenene Ico. Kabili cili palya, bwino bwino mu Malembo, “Ukufuma muli Betelemu yamu Yudea,” Ali nokufyalwa. Tulesanga ico mu Malembo, ifyo Ali nokufyalwa, kuli nacisungu. “Nacisungu ali nokwimita nokukwata u Mwana, kabili bali nokwita i Shina Lyakwe Emmanuele.”

¹²⁵ Mulandu nshi bamwipaile Ena? “Pantu Aipangile Umwine eka Lesa,” kabili Ali ni Lesa. Icine cine, balisumine ico. “Aitile Aipangile Umwine pa lwakwe Lesa, ukulingana pamo na Lesa, aitile, ‘Ndi Mwana wakwa Lesa.’” Mulandu nshi, Ena ali!

¹²⁶ Baibele Itila Afwile ukwitwa, “Mpanda mano, Cilolo wa Mutende, Lesa uwamaka yonse, Taata Uwanshita pe, Icamamisha!” Ifyo efyo Ali. Mulandu nshi tabakutulwike ico?

Emulandu Aitile, “Imwe mufwile mwafwaya mu Malembo.”

Batile, “Ifwe tuli basambi bakwa Mose.”

¹²⁷ Aitile, “Nga cakutila imwe mulibasambi bakwa Mose imwe nga namu Njishiba. Mose alembele palwa Ine.” Kabili bena tabaishibe ico.

¹²⁸ Kabili inshita ili pa bantu nakabili, lintu bali nokuya kufisumino fyabo ne fintu, mucifulo cakwa Yesu uwatemwikwa. Ico nacilungama. Ifi ifikalamba ifintu ifikalamba ifileisa, kabili alefileta bwino mufifi iyacilapo mufifi iyacilapo. Kabili Lesa ukulanda ico mu Cebo Cakwe, ukupitila mufishibilo nefipesha mano mu myuulu, no kulangisha ukuleisa, ukulanda ifintu ifyo ifili nokucitika bwino bwino fyeco ku kashita akanono ico icili nokucitika. Kabili nombamba batwalililapo ukwenda munshila imoine. Cilemoneka kwati tekuti bafwilishe ico. Bantu abasuma, ee, mukwai, abalecita icintu icisuma nombamba nga fintu bacitile lilya.

129 Ifwe tuli fibumbwa fya nshita. Lesa cibumbvwa ica Muyayaya... Lesa cibumbwa ica Muyayaya. Ena takwata intendekelo kabili Takwata impela. Eico mulandu nshi tawinga ipelela we mwine palobe kuli Ena? Lolesha pa muulu, nokubengeshima pamo nokusangalala kwa Lubuuto ulwa Cebo cakwa Lesa ulu ululebengeshima ileelo. Mulandu nshi abantu tabenga mwena Ico, ba cibusa?

130 Kutikeni, Ndi munyina wenu. Nalitemwaw. Bushe tekuti cibe icaangukila ine icakusuminishafye, lintu, kabili ukuya kuntanshi nokutila, "Oh, ukuba, Ndi nokumfwana pali Ici, Ndi noku-...?" Nshapangwa ukufuma muli ico. Iyo, mukwai. Lintu caba i Cebo, cena Cebo. Lesa twafwilisheni ukwiminina pali ico icintu icili icine! Ee, mukwai. Cili nokuba bwino, icine cine, imwe muli nokupokelela ukupampansha ukwacilapo panuma. Lelo cinshi Ine, Ningacita ukwiminina palya muli bulya Ubushiku ilyo iminwe yasonta pa cinso candi nokutila, "Iwe walishibe bwino, lelo wafililwe ukutweba"? Whew! Iyo!

131 Ndi nokuba kwati Paulo, "Nshatina ukulanda kuli imwe Ukupanda kwa mano kwakwa Lesa konse." Umulopa wa muntu tawaba pali ine. Lekeneni Ciye apo cena cifwile ukuba. Ico e Cine. Lesa alishiba ico, kabili Alacitungilila nokutila e Cine.

132 Ukupilibukila kuli cinshi, kuli Munyina Branham? Iwe, iwe kuti waba uwatumpa ukucita icintu caba ifyo. Kupilibukila kuli Kristu, kabili Ena e Cebo! Pilibukila kuli Kristu!

133 Fumako kufya fisumino! Bwelela mu... Nshilesakamana, iwe limbi walitampa ifya busumino bobo, imyaka imyanda isano iyapitapo, iyo iwefye... Ico icishipilibula icintu cimo kuli Lesa. Balya aba Saduke naba Fariseo batampile inshita iitali ilyo taulacita, kabili balisekelwe.

134 Oh, iwe weshe ukubika icakushinkisha cobe pali Mupashi wa Mushilo pamicitile iya pusana pusana. Nacetekela mukusokololwa kwa Mupashi wa Mushilo. Cinshi ico ucita? Ba Pentecosti batila, "Ukulandila mu ndimi ecishininkisho cakubalilapo ica Mupashi wa Mushilo." Nalimona indoshi ishaume ne ndoshi ishanakashi shilelandila mu ndimi. Nalishimona shilelandila mu ndimi nokunwa umulopa ukufuma mukapanga ka muntu, nokusesema nokukana ukutila takwaba icintu icamusango ngefyo nga Lesa. Nalimona mu nkambi shandoshi apo bengabika pensulo pe tebulo nokulenga yena ukutoloka pamuulu na panshi, nokulemba indimi ishishaishibikwa nokupilibula shena. Ico nacilungama. Ico tacakwata icintu icakucita kuli... Cibe, Nalicetekela Lesa alalandila mu ndimi ishishaishibikwa ukupitila mu bantu Bakwe. Lelo mulabika icakukonkomesha icikalamba pali ico, "Cinshi ico kwingabela kapilibula? Cinshi ico cingabela imbila ku chalichi?"

¹³⁵ Nomba imwe mwebantu bambi, mutila, “Ifisabo fya Mupashi, ifyo efyo twaishiba. Kutemwa, kusangalala, ifyo efyo twakwata ica kushininkisha.” Efyo caba? Nomba Science yamwina Kristu yalikwata imwe ukumwa. Bena balacita ico ukucila imwe ba Pentecosti, Methodisti, naba Baptisti, ukubikwa pamo.

¹³⁶ Moneni icacitike. Leken i milange ifisabo fya Mupashi, kabili tumone nga cakutila imwe kuti mwaya kuli ifyo nakabili. Natubule Yesu. Lesa njeleleniko pali aya amashiwi Nalalanda; Nalapilibukila Ena pakashita akanono, ukulangisha imwe, ukubula aba abasalwa aba bantu pano, kabili aba abasalwa aba bantu pano muno cungulo kasuba. Nalatila . . .

¹³⁷ “Mukwai, kuli Umuntu umo umwaice uuli pano, uwe Shina lya Yesu waku Nazaleti, nshikwete nangu cimo icakucita na Ena! Nani uwali uwakubalilapo. . . Cinshi ico Baibele yesu itufundisha? Lesa kutemwa. Ninani uwali uwakubalilapo pamo naiwe lintu wafyelwe? Niulya uwaluse, shimapepo mukalamba. Ico nacilungama. Ninani uwaishile kuli iwe lintu wali mukukabila, tawakwete ulupiya, kabili akukongweshe nolupiya? Niulya uwaluse, shimapepo umukalamba. Bwino bwino. Uwabikile ukuboko kwakwe pakubeya kobe napakubeya kwakwa noko, lintu imwe mwali mupepi nokupatukana, kabili amipepeleko ukubwelela kuli Lesa? Niulya uwaluse, shimapepo umukalamba. Ninani ulya uwabulile ulubali pamo naiwe«, lintu iwe nomwina mupalamano obe mwalekalipa, kabili amibweshe capamo mwisenge? Niulya uwaluse, shimapepo umukalamba. Ico nacilungama. Ninani uyo, uuli nokulanda amashiwi yakulekelesha pali iwe pa bushiku kulya kwishilya? Ninani uyo? Bena bakuleka ulele palya ulebola; lelo uwaluse obe, shimapepo mukalamba aisa nokupala iwe, nokutuma i Cebo cakwa Lesa ukuya pamo naiwe. Niulya uwaluse, shimapepo umukalamba!

¹³⁸ “Ngoyu Umuntu uwitwa Yesu waku Nazaleti, nomba, mwamona, lisukulu nshi Afumineko? Uwaluse lwenu, shimapepo mukalamba apele ilambo, mu mweo wakwe onse. Wishikulu wakwe ali ni shimapepo. Ifikolwe fyakwe ifikalamba-ifikalamba-ifikalamba shikulu wakwe umukalamba ali ni shimapepo. Abikile inshita yakwe yonse mukabungwe. Alikanshiwa mu Cebo; alishiba ico alelandapo.”

¹³⁹ Nomba tulelanda pafisabo fya Mupashi: uluse, ukutemwa, ukusangalala, umutende, ukukutuluka, ukukokola ukukalipa, ukutemwa, mwamona, ifisabo fya Mupashi.

¹⁴⁰ “Nga palwa kwa uyu Yesu, nikwisa uko Afumine? Tatwakwatapo ishiwi ilyakumfwa ukutila Afuma pe sukuulu ilili lyonse. Conse ico Eshafye kwesha ukonaula amasukuulu ayo twakula.” Tamwaba ifisabo ifingi ifya Mupashi mulya, teifyo?

141 “Cinshi ico Acitile kulya uko balya abamakwebo abalanda kulya kwine, kabili nabamakwebo balya abali nokucita... Bena, bena, tabateka impaanga, eico bena—bena babikile umwakwikala umunono mulya eico pakutila umuntu kuti aletamo impaanga. Ulya shimakwebo umulanda, ena—ena alefwaya ukupela impaanga, pantu cena ecakukabila cakwa Lesa. Ena kuleta mukati i—impaanga ukushitisha kuli shimakwebo mwaume, pakutila engapela pa mweo wakwe. Cinshi ico uyu Yesu waku Nazaleti acitile? Apantawile amatebulo; abulile impapa nokuikaka capamo, nokuboma bashimapepo ukubafumya mulya; kabili aitle uwaluse lwenu, shimapo mukalamba, ‘insoka yamucani; myalu myalu!’”

142 Nomba imwe muleita ico icisasbo ca Mupashi? Icine cine iyo. Nomba nipesa apo icisabo ca Mupashi calaikala? Tacili nakabili ifyo mutontonkanya pa nkumbu, kabili na Ena ukupita muli cintobe ntobe wa bantu kulya, cintobe ntobe wa bantu nabalala, impofu, ifilema, abacula, abakonkontana, abashenda, abalemana, kabili tatalile ondapapo nangu umo pali bena; uwausulamo uluse. Abantu ba mano yakumubuli tekuti beshibe Ico. Mumaseminale tabafundisha Ico. Cena busokololo. Icine cine. Icisabo ca Mupashi caponene palya pene, bushe teifyo? Balya bashimapepo bakwete imiku ikumi ifisabo fya Mupashi.

143 Kuti waishiba shani ico icalungama? Ukusokoloka ukwa Cebo icalandwa icakwa Lesa ukuba icasokoloka, u Lubuuto lwa nshita. Icine cine. Palya epali icakushinkisha ica Mupashi wa Mushilo, ukucetekela i Cebo cakwa Lesa Lintu cilesokoloka. Ali ni Cebo, icasokoloka. Kabili nabamo pali bena bakene Cena, basekele pali Cena, nokupumya Ena noku Mwita ka—kalota wafya kuntanshi, imipashi imo iyakowela; pali icakushinkisha, pakulandila mu ndimi, pali icakushininkisha ica fisabo. Icakushininkishafye cimo icabapo, lintu umuntu acetekela i Cebo icalembwa. Lintu Cashininkishiwa, ukwenda mu Lubuuto lwa Cena. Yesu ali u Lubuuto lwa nshita pantu Ali Cebo icalailwe ica nshita, kabili aeseshe ukubeba ico, lelo bena bali nganshi—nganshi mumfifi ukukutuluka Ico. Eico efyo cili, ileelo, nomba.

144 Nomba ifibumbwa fya nshita, twaba. Bikeni inshila shenu kuli Ena, kabili Ali nokuleta ubwikashi bwa kuntanshi bwino bwino, pantu tumumonafye Ena nga fintu Aba mu Cebo.

145 Mwalimumona Aleshininkisha i Cebo icalaiwa ice leelo. Mulamona ico mufishibilo mu mweshi. Mulamona ico muma chalichi. Ibukisheni.

146 “Watile, ‘mu chalichi,’ cinshi ico cifwile ukucita pamo ne chalichi?”

147 Pakashitafye akanono. Umweshi wiminako ichalichi. Yerusalemu e chalichi icakale icaishibikwa mu musumba mwisonde. Melkisedeke afumine muli ulya umusumba;

Imfumu yaku Salemu, Imfumu ya mutende, Imfumu yamu Yerusalemu. Ico nacilungama, uyo wali musumba uwa kale uwa mwisonde. Kabili cali mweshi, kwati nikulya uko amalango yapampamikwe, kabili pano kwaishile ili ibimbi lyamfifi lyabena Fyalo ukwisa pali cena. Atile, “I—i chalichi cili nokunyantaula ifibumba fya Yerusalemu panshi mpaka inshita yabena Fyalo yaisa.” Kabili apa epo ali. Tuleikala mukulungama mulya mwine. Alebwelelamo kunuma, ukubafye icacine nge shina lyandi William Branham. Ee, mukwai, kuti twacimona. Ena nabikwa icinshingwa, nabikilwa libela icinshingwa, naebelwa libela; ukwita Abasalwa ukufuma. Bena baleifumfunya mulya mwine mu mfifi, bonse abashala, ilyo baleya baleenda. Nacilungama.

¹⁴⁸ Nomba tulemona i Cebo Cakwe ukushininkishiwa. Natucetekela. Eico nga cakutila Nashininkisha i Cebo ca leelo, ifyo Cena cili, cinshi ico Ningasakamana paco umwaka uleleta? cinshi ico Ningasakamanapo pa mwaka uulekonkapo? Cinshi ico Ningasakamana nga cakutila kuti Naba no mweo ileelo nangu nafwa ileelo? i Cebo Conse ico Alaile cili nokushininkishiwa, conse icebo! Nga cakutila Ena kuti acicita ileelo, panuma yakulaya cena pamyaka amakana yabili ayapitapo; nga cakutila cena myanda amakana ya myaka, ileelo, Yesu ali nokubwela pesonde mu mubili uukamoneka, pa Chalichi, u—uwa Lubulwa, Nabwinga, kabili nokumufumya Ena pano. Temulandu necili nokwisa, asendwa, ama fashoni, ukutila “twalililapo,” kabili abantu kuti bakubula mumfifi iyapwililika nokucetekela conse ico balefwaya ukucetekela, lelo Yesu Kristu ali nokubwela nakabili. Nalibika ubwikashi bwandi ubwa kuntanshi kuli Ena, nomba. “Shikulu Lesa, Nshishibe ifyo ubushiku bwa mailo bwikete, lelo Ninjishiba Imwe mwalikata ubushiku bwa mailo.”

¹⁴⁹ Icebo Cakwe cibafye kwati lwimbo ulukalamba ulwafilimba ifingi. Nibanga abaumfwapo ulwimbo ulwafilimba ifingi? Ukuba, umuntu onse alyumfwa. Nomba ibukisheni, ulwimbo lwafilimba ifingi luba lintu ulwimbo lwalila mufyakwangala. Ndetontonkanya Ninkwata isho insambu, isha lwimbo lwafilimba ifingi. “Petro no Mumbulu,” muleibukisha ico, mulyashi ilyakale ifyo balecita...Nalyumfwa ico, ifyo balebula ingoma nokupangamo ci—cibangwa mpopo munono alepomponsha, na Petro pakufuma, nokusoka kwa mumbulu, nokupampansha kwa masengo; ulwimbo lwafilimba ifingi.

¹⁵⁰ Nomba, nga cakutila tawailuka pa lwimbo lwafilimba ifingi, lyena libumba ilikalamba ilyakuminako kuli iwe, nga cakutila iwe tawakutuluka ico. Iwe ufwile wakutuluka ifyo caba. Conse cicitwa nefishibilo nefyakusela sela, lelo cena cicitwa ukufuma mucangalo muli ulu ulwimbo lwafilimba ifingi. Nomba, tulemona, umuntu fye umu uumfwikisha ulwimbo lwafilimba ifingi ni ulya kapanga nabali abafwaya ukwishiba lwena, baleshiba fintu lucinja, ukwishiba icicitika.

151 Kapanga walwimbo aleshiba ukusela konse, ukufuma kumpela ukuya ku kutendeka, ukufuma ku kutendeka ukuya kumpela. Bushe mwalishiba ico? Niumo ulya uwalembele lwena, apanga ulu, alishiba nayonse amampatu ayanono. Nga cakutila aishiba amampatu yonse, eico eflyo no mukalamba afwile ukucita, ukutungulula lwena. Nomba uli nokupilibula shani ifisumino fyobe muli ico? Nikulya kumo ukupusa kunono ukwa cilya icimuti, cilya icishibilo, cimo icinono icakukana konka icishibilo pa mampatu, kuti caposa lyonse ibumba ilyabakemba ukufuma, ukuposa ulwimbo lwafilimba ifingi. Nomba namwishiba ico cacine. Kapanga wa lwimbo no mukalamba bafwile baba mu mupashi umowine.

152 Emulandu wine kapyunga kabili ne Cebo cakwa Lesa, Ulwimbo ulukalamba ulwafilimba ifingi ulwakwa Lesa Ena alalulisha ukufuma kukucha kwanshita; kapyunga, pa Cebo, talolesha apa nokutila, “Nincetekela *ici* cifwile ukuba; imwe mufwile Mwacipanga muli *iyi* nshila.” Afwile aila munshila icipepala Calwimbo cilelanda cibuleni. Iyoine enshila i Mbila nsuma ifwile yashimikilwamo, inshila i Cebo cilelanda senda Cena. Namwishiba, nga cakutila kuti mwaposamo ifisumino Mulya, imwe ninshi namukwata icintu conse icafulungama. Cena cifwile ukuya nokupanga icangalofye bwino bwino icalungama.

153 Umukalamba katungulula afwile ukukonka bwino bwino kapanga wa lwimbo alandile, ukulisha filya fine, ulwimbo. Nomba moneni, fyonse ficitwa nefishibilo, kabili cifwile caba icishibilo icalungama, ukupela iciunda icalungama.

154 Paulo atile, “Nga cakutila ipenga lyapela iciunda icishaishibikwa, ninani uwingaipekanya ukuya kubulwi?”

155 Nomba mwamumona Kapanga wa lwimbo, Lesa, Uwalembele Baibele, cena caba pamo busokololo bwakwa Yesu Kristu. Alishiba ukucinja kwanshita. Kabili no muntu, u—umukalamba uulebatungulula bena, icishibilo ca nkulo cifwile cayafye bwino bwino pamo ne fishibilo fyamuli Baibele. Alleluya! Owe, owe, owe, owe, owe!

156 Oh, munyina, nkashi, bwafya nshi ubuli ne sonde? Mulandu nshi Mpenene? Kuliko icintu cimo icilubene kuncende kumo. Ulwimbo lwafilimba ifingi taluli mukumfwana ukusuma pamo nepepala lya Lwimbo! Fyena filepanga icisumino camu chalichi ne fintu fyonse fimbi, lintu cena cifwile ukuba i Cebo ico icifwile ukushimikilwa, ukulangwa. Kuliko icintu icilubene nabakalamba, ninshi ibumba lyabakemba lyonse ninshi lyafulungana, kabili tabeshibe necakucita. Bena bonse babafye abakusekeshu, “Cinshi ici cicitike? Mulandu nshi *ici* cicitikile? Cinshi, *ici* icicitike? *Ici*, nimumusango nshi cilya cicitikilemo?” Bena tabeshibe ifyakucita nombu. Kusalanganafye, pantu cena tacili mukumfwana pamo ne Cebo. Uyo emulandu nabesu,

ico twita, ukupuputulwa kwa bushiku bwakulekelesha. Uyo emulandu pamo ne mbila yaba Pentecosti. Twalifuma munshila yakulisha pamo na Baibele, twaliya nokuya ampana nga fintu bacitile kulya. Afumine munshila yakulisha.

¹⁵⁷ Lesa, akwate uluse. Ine kuti Nafwaya ukutila Nakwata amashiwi ayo ayengalenga Ico ukwingila mukati, nga fintu cali, ukutila kuti Naisula nokusalanganya ico pambilibili nokupongolwela Cena mukati.

¹⁵⁸ Bushe tekuti umone, munyina wandi, nkashi, cena cifwile ukuba mukumfwana ukusuma? Umukalamba afwile aba pamo ne Cebo. Lintu Calanda icintu cimo, taufwile ukulanda icintu cimo cimbi; cili nokupela icishibilo icalubana, nomba ninshi icintu conse cafuma munshila yakulililamo. Ico nacilungama. Icebo cakwa Lesa luse ulukalamba, ulwimbo ulukalamba, ukuba. Munjeleleko. Mufwile mwatampa nga fintu Acitile mu Lwimbo. Ufwile watampila pamo na Ena. Moneni, ukuba munshila yakulililamo iya Ciko.

¹⁵⁹ Utile, “Ukuba, Ninjampanya mu chalichi.” Ico tenshila yakulilila. “Nacitile ico.” Iyo tenshila yakulililamo. “Naile ku cipailo kabili Ine—Ine natile, ‘Ndecetekela Yesu Kristu Mwana wakwa Lesa.’” Satana alacita icintu cimo cine. Iyo tenshila yakulishishamo. Mwamona, mulafuma mucakuselelapo. Cinshi icacitike? Limbi umukalamba akwebele, “Poshanyeni mumaboko kabili lemba ishina lyobe mwi buuku; isa nokwingila mukalabu kesu, mukabungwe kesu.” Imwe bonse namufuma mukuselela!

¹⁶⁰ Nomba lintu icintu icituntulu catampa ukucitika pano pene pakati kebumba ilinono, iwe kuti watila, “Ukuba, nga palwa *Cilya*, balifuma mukumfwana bwino.” Bweleleni pa Cebo nokumona nani wafuma mukumfwana bwino. Mumone neco Lesa alaile. Mumone ico Kapanga wa Lwimbo alandile palwa Ico.

¹⁶¹ Wamona, iwe naukwata umuntu onse mwibumba lyonse. Uyo wine emulandu isonde lilelolesha monse monse. Lintu ichalichi cifwile ukulolekeshiwapo nge cabuuta, ulutanda ulubengeshima, u Lubuuto lwabikwa pa lupili, ulo umuntu nangu umo tengacila ukubeka, takuli umuntu uwingasusha Ico.

¹⁶² Kabili, ileelo, ecakuseka ica mwisonde, pantu abakalamba bacifumishe mukumfwana ukusuma pamo na Kapanga wa lwimbo. Mwamona ico Ndepilibula? Baleuma pa fintu ifishili na Mulya. Bakemba tabeshibe icakucita nomba; mu chalichi bonse bali mucafulungana. Tulalanda pali ifi fintu, imyaka yonse, kabili nokususha fyena, kabili nomba ukuyampanya bwino pamo neco. Oh, icintu cimo cifwile ukulubana ku ncende imo.

¹⁶³ Moneni, mufwile mwatampila mu Lwimbo nga fintu Acitile, mwaingila mucakulisha ca Ico, mwaingila mu Cebo icalaiwa. Moneni inshila Acitilemo ku kutendeka, moneni

inshila Acitilemo mu nkulo yapakati, moneni inshila Alecitolamo nomba, lyonse cabafye cimocine.

¹⁶⁴ Moneni umukalamba, ifyo acita ico. Nga cakutula tacitile ico, nga cakutula akusontelela kukabungwe kamo; takwatala akuba umukalamba uwacitapo ico. Umukalamba lyonse asontelela iwe ku Cebo. Bakasesema abakale, basontelele ku Cebo. Bali mu Cebo. Baikele mu Cebo. Kabili cinshi ico cacitile? Cena calangishe Lesa. Ico caletele i Cebo icalembwa ica bulya bushiku ku mweo, pantu Cena caishile kuli bena. Calisokolwelwe kuli bena. Cilya cali Cilibwe cabo. Alleluya!

¹⁶⁵ Yesu Kristu, i Cebo cakwa Lesa, e Cilibwe cesu. “Pali ici icilibwe epo Nkakula i Chalichi Candi,” i Cebo icasokololwa icakwa Lesa. Umutende, kuwacetekela umwine mwine. Umutende! Tuli pa nshita yakumpela. “Pali ici i Cilibwe Nkakulapo i Chalichi Candi,” ebusokololo bwa Cebo.

¹⁶⁶ Umo atile, “Ukuba, Iwe uli muntu mukalamba. Waba pamo nga Mose. Uli muntu mukalamba. Waba kwati nga . . .” Ico tacili ngeco.

Lelo ubusokololo bwatile, “Iwe uli Mwana wakwa Lesa.”

¹⁶⁷ Atile, “Umubili no mulopa tafisokolwele Ico kuli iwe, lelo ni Taata Wandu uwaba mu Muulu. Pali ici Cine icasokololwa, Nkakulapo i Chalichi Candi.”

¹⁶⁸ Cinshi ico? Ena Cebo. “Ku kutendeka kwali i Cebo, kabili i Cebo cali pamo na Lesa, kabili i Cebo cali ni Lesa,” kabili i Cebo cicili ni Lesa. Ena fye, uwaba cimo cine ileelo, uwailangishe Umwine palwakwe nga fintu Ali; Mose na Eliya, ukuya panshi, kabili Yesu, na Lesa umowine ileelo, cimulenga Ena “Yesu Kristu ukuba cimocine mailo, ileelo, no muyayaya,” Aba Hebere 13:8. Mwamona, tabasontelele iwe kwibumba. Basontelele iwe ku Muntu, basontelele iwe ku Cebo, Lesa.

“Nipesa apo Nalatampila, Munyina Branham?”

¹⁶⁹ Pa Capindama, tampila pa Capindama pamo na Ena. “Lapila, cetekela i Cebo,” ifyo eflyo Baibele yalanda. Nomba konkamo mucilelila muli conse icashala ica Cebo.

Iwe watila, “Ukuba, cinshi ico Nalacita?”

¹⁷⁰ Iwe twaililapofye ukukonka ukulila kwa Cebo. Nga cakutula “ukulapila” ecintu cakubalilapo, mukwishiba, cita ico, ulu elutampulo lobe ulwakubalilapo. Bikwa ulutampulo lobe ulwakonkapo apo i Cebo ciletila. Twalililapo, twailililapo no kutwalilila, ukulaenda pamo Nankwe.

¹⁷¹ Taufwile ukonaula icakulisha nga cakutula iwe uli ulubali ulwa Lwimbo ulwafilimba ifingi ulwakwa Lesa. Taufwile ukonaula ukulisha kwa Cebo. Taufwile ukwipusha, “Ukuba, mulandu nshi? Cinshi *ici* cacitikile? Nalyeseshe ico, Munyina Branham, kabili, lintu bamfumishemo, nawishiba ico Nacita? Mfwayafye ukufwa ku nsala.” Taufwile ukwipusha umulandu.

Alishiba ifyakulisha, nefyo cifwile cacinja, napakukonekela apo cifwile capanga, ee, mukwai, pantu Calilembwa. Alishiba conse palwa Ico. Alishiba ifyakulisha. Taufwile ukwipusha umulandu. Cetekela Cena!

172 Lesa alyenda ukuya ukupita munshita ya lyashi, ne Cebo Cakwe icalaiwa, mu nkulo yonse, kabili tatala afilwa (ukonaula) imilishishe, ukupitila mu Maka yakwa Lesa, lintu Caisa kubasalwa na bantu abashininkishiwa. Ukulila kwa Cebo Cakwe munshiku shakwa Noah, ukulila kwa Cebo Cakwe munshiku shakwa Noah, mu nshiku shakwa Mose, mu nshiku shakwa Eliya, mu nshiku shakwa Yohane, mu nshiku shakwa Davidi, mu nshiku shakwa Yesu, ukuya panshi, Alasunga ukulila kwa Cebo, bwino bwino ukuya panshi, tatala onaula Cena. Ena alisa bwino ukupita ukuya mulyashi lya kale. Kabili no Lubuto ulwasalwa, ulo ulwamona Ico nokucetekela Cena, lwaponena bwino muli kulya ukulisha pamo na Lwena.

173 Bambi batila, “Ukuba, lelo ichalichi citila . . .” Ico tacikwete nangu cimo icakucita pamo Neco. Iwe tawafyalwa ukucita ico.

174 Iwe wafyalilwa mu Cebo, pantu wafyalilwa muli Kristu. Kristu e Cebo, ee, mukwai, cila umu mu nkulo yakwe.

175 Iwe watila, “Ukuba, Nalakwebafye Munyina Branham, Ine tekuti ndoleshe kuntanshi.”

176 Nomba lolesha pamuulu. Lesa alaile, ukutila iwe nga walolesha pamuulu, wamona Ena; mutende, mutende, umutende wakwa Lesa ube pali iwe.

177 Iwe watila, “Nomba mulandu nshi bambi bampumisha ine, Munyina Branham? Nawishiba, bambi balampumya ine, kabili batila Ine—Ine nalikwata ‘imishishi iitali,’ Ndi ‘wama fashoni yakale,’” ku banakashi. Ku mwaume, “Pantu Nacetekela Baibele, ‘Iwe tawakwata isenge pamo naifwe nakabili. Ifwe tekuti tukupokelele pantu ico—ico wacetekela *icaba ifi-kabili-icaba ifi.*”

178 Kabili namwishiba cili bwino bwinofye munshila i Cebo calembelwamo. Lesa aliba uwashingamwa kuli iwe, ukutungilila Ico nomba. Ena icine cine aba. Taufwile ukusakamana pali ico, umulandu balandila ukupumya. Lesa ni Lesa wabafuba. Ibukisheni, ukukulila pamulandu wa Cebo Cakwe kukusha ubukali ubwakusenamina Kwakwe. Lintu wacula pamulandu wa Cebo Cakwe, cena kukusha ubukali.

179 Mwalishiba ifyo umwana umunono, uwamyaka ikumi limo, ikumi limo naibili iyakufyalwa, alomfwa ukukalipa. Aingila mukati, atila, “Mayo, amaboko yandi yalekalipa kabili namolu yandi yalekalipa,” nefyaba ngefyo. Cena bukali bwakukula. Ico cilelangisha ukutila nakwata ama vitamini ayasuma. Alekula.

180 Kabili lintu umuntu umu atampa ukupumya iwe, atila, “Ena wama fashoni yakale. Lolesheni pali ena, ena ali . . . Oh,

Nalakweba, ena ali . . .” Nacilungama, ibukishafye, cena bukali bwa kukula. Ico cili ifyakupakasa ifisuma kuli iwe. Cena bukali bwa kukula.

¹⁸¹ Oh, ee, Ena alasuminisha ukwabuka pamisebo napamasansa. Ena lyonse alacita ico, pakutila atulenga ukupwililika ku mulimo Wakwe. Alasuminisha ifyo ifintu ukucitika. Bushe tekuti mukutuluke pali ico? Alacita ico pakutila Ena engalenga iwe ukupwililika pabwite Akwitilako. Ubo ebukali bwa kukula kobe. Acitile Daniele muli iyo nshila, namwishiba.

¹⁸² Acitile ku bana baba Habere, mwilungu lya mulilo. Cinshi ico ilungu lyamulilo lyacitile? Ilungu lyamulilo lyaonawilefye ifikakilo ifyo bakakilwemo. Ifyo efyonse ifyo ilungu lyacitile, ukocafye ifikakilo.

¹⁸³ Inshita shimo shimo cisenda isonde ukonaula ifikakilo ifyesonde ukufufumya pali ifwe, ukukufumya pe sonde. Limbi ukuba, ukufumya iwe mufisumino fyobe, mukubalilapo. Kwati muntu uuleibila mu mumana, ufwile wamufumya mu mumana ilyo taulafumya umumana ukufuma muli ena. Iyo enshila inshita imo Lesa acitilamo. Leka bakutamfye, panshita imo, nomba bafumya isonde muli iwe. Baya—baya mukufumya iwe mwisonde, mukubalilapo. Inshita shimo shimo ubu ubukali bwa kukula ebucita ico. oh, ee.

¹⁸⁴ Lesa aleminina pa Cebo cabulayo cila mwaka uupya. Aleminina pali Cena, uno umwaka, ukufikilisha ico Akwata ukulaya muli uno mwaka. Conse ifyo cingaba, Ndefwaya ukuba uwalungama pakati kabufwayo Bwakwe mubwikashi ubwa kuntanshi, nga fintu bacitile.

¹⁸⁵ Kwati Abrahamu, lintu aishile pakwabuka kwa musebo wakwe, taishibe ifyo ali nokucita ico. Lesa amwebele, “Ndi nokukupela umwana umwaume.” Imyaka amakumi yabili na isano alolele pali ico. Mukulekelesha umwana aishile, nomba Lesa atile, “Nomba, ukupitila muli uyu umwana, Ndi nokukupanga wishi uwafyalo ifingi. Mutwale pamuulu kabili nokumwipaya. Mutwale pamuulu kabili nokumwipaya,” ukonaula cilya cine icintu ico alolele pa myaka amakumi yabili naisano alolele. “Mutwale pamuulu kabili nokumwipaya.”

¹⁸⁶ Abrahamu tasakamene. Tacamusakamike. Asendele inkuni nokubika palipunda munono, nokusenda umwana wakwe. Nokumutwala pamuulu wa lupili pa lupili, ukumupela ilambo, pantu Abrahamu alishibe ukutila amupokelele nga umo uwafumine kubafwa; Ifumo lyakwa Sarah lyalifwile, ali ning’umba talefyala, eico takwali inshila nangu imo. Kabili no mulumendo . . . Akwete imyaka umwanda umo iyakufyalwa, kabili na ena akwete imyaka amakumi pabula, eico aishile mu Cebo icalailwe. Lesa umo wine uwapangile ubulayo, atile, “Nkakulenga ukuba wishi uwafyalo,” panuma ya myaka

amakumi yabili naisano, kabili uwaba uwa myaka umwanda umo iyakufyalwa, ena nomukashi wakwe bapokelele umwana. Nga cakuti Lesa amwebele ukumupela ilambo, Lesa ali uwalinga ukumwimya. Amenii.

¹⁸⁷ Lesa alumbaniwe, mweba bwananyina. Naumfwa icisuma. Naumfwa uwabukapepa. Eico ifyo Naumfwa ubusuma! Ninjishiba ici cintu cimo, Ena ali uwalinga ukumwimya nakabili. Twalaiminina pali ico i Cebo icishacinjishiwa ica Lubuuto muli ora iyi! Lesa ali nokutwimya lintu iyi nkulo ikesa moneka, ngolwabengeshima u Lubuuto ukulwisha iyi inkulo. Amenii.

¹⁸⁸ Emulandu wine Atile, “Namfumu waku Masamba akesa mu Bupingushi, pamo nenkulo yakwe, nokususha uyu umo; pantu afumine ku ncende ishitali isha pesonde, ukwisa umfwa amano yakwa Solomoni, kabili, moneni, umukalamba ukucila pali Solomoni ali pano.” Ifyo ulya namfumu umonono, ukuya munshila, umusenshi, amwene lulya u Lubuuto, nokwenda ba mailoshi ukupita muciswebebe, pamyeshi itatu ukuba pa ngamali, ukwisa umfwa amano yakwa Solomoni, kabili nabena ukwiminina palya pene, pamo na Solomoni ukuba icakupashanya, icakumwenako Cakwe.

¹⁸⁹ Kabili nomba ukwisa nokumona Wesley, Luther, bonse bambi, ifilonganino kunuma kulya, ukuba icakumwenako icakupashanya pacilecitika nomba, kabili baenda ukupita muli Cena. Oh! Nacilungama.

¹⁹⁰ Pantu, eico umwaka uupya ucutiwa na Lesa, ukweshafye ukwiminina mu Cebo Cakwe. Ukwenda apo i Cebo catila enda, ilyo tuleisa mukwisalila, nga bambi, u Lubuto ulwasalilwe lwacitile mu bushiku bwabo lintu bamwene i Cebo. Cinshi ico bacitile? Baendele muli Lwena, nga cakuwila bali Lubuto ulwasalilwe mu nkulo shimbi, pantu Ena Cebo icishifilwa. Nibanga abacetekela ukutila Yesu Kristu e Cebo? Oh, owe!

¹⁹¹ Naumfwile ubutantiko ubushiku bumbi, ubwa cilonganino cimo ica bantu, Mista H. M. S. Richards atile “alilemba ibuuku ilya mwaka.” Nshilefwaya ukukana suminishanya no muntu uwaba ifyo. Nangula, pakuba Uwa Mwisabata, Nshisuminishanya nesambililo lya Bena Isabata, lelo icine cine Nalimutemwa uyu muntu. Lelo Nshilesuminishanya pamo naena. Ilyo lifwile ukuba libuuku lyakwa H. M. S. Richards ilya mwaka.

¹⁹² Lelo i Buuku lyandi ne Buuku lyobe, ilya mwaka uupya, li Buuku ilya mwaka wakale, Baibele, i Cebo cakwa Lesa. Leka Lyena likalefye kuco Lyalailwapo. Ee, mukwai. Kabili no mwaka onse uuleisa, no mwaka onse uwabapo, Ena ni Lesa wa Muyayaya uwikala ukupita mu Cebo ca Muyayaya ico Alandile, ilyo i Cine conse icamuli Baibele no bulayo bonse muli Cena calishininkishiwa, nga fintu caba ukupita mu myaka.

193 Ifyo Lesa alaile ukutula Ali no konaula isonde na menshi, kabili Ena ashininkishe ico ukupitila muli Mose...nangu ukupitila muli Noah.

194 Alaile ukutula Ali nokutuma kalubula, nokusenda Israele ukumufumya mu Egypto; baendele pa myaka imyanda ine. Acitilefye bwino bwino ico.

195 Kabili Alapile ukutula Ali nokwimya Davidi, nefyo Davidi ali nokuba u—umwana; Kristu ali nokuba umwana wakwe, ukupitila muli Davidi emwingeshila Kristu. Ifyo Alaile ukutula Ali nokucita ico; Acitilefye ico cine.

196 Alaile ukutula Ali nokutuma Yohane Kabatisha, ilyo Yesu Kristu talaisa. Acitile ico cine.

Alaile ukutula Ali nokutuma Messiya. Acitile ico cine.

197 Alaile ukutula isonde lili nokuba mwibumba ilikalamba ilya tubungwe nokupanga imibombele, amaka, ayaishibikwa nge ciswango, kabili yali nokuba palya ukwikala pa mpili cine lubali. Cena cacitilefye bwino bwino ico.

198 Ifyo ichalichi cili nokupakasa bena, kumfwa! Bacitilefye bwino bwino ico.

199 Ifyo bena bali nokufuma mukucinja! Bacitilefye bwino bwino ico. Ifyo Alaile muli cila inkulo ifyo cili nokuba!

200 Kabili Alaile muli ino nkulo. Kabili Ali pano, ileelo, ukupanga cilya i Cebo ukuba ica mweo, bwino bwinofye nga fintu Acitile ku kutendeka. Iceine cine.

201 Kabili lintu ubulayo bonse bwafikilishiwa, “imfwa ninshi naiminwa mukucimfya,” Yesu ali nokwisa; kabili no wakulekelesha umo alangwa, nomba kuli nokwisa umutende wa Muyayaya pe sonde, kabili nomutende wa Muyayaya. Umutende wa Muyayaya, umutende, uli nokuba pe sonde.

202 Lintu Yesu aishile, Cilolo wa Mutende, mulandu nshi takwabelele umutende kulya? Pantu i Cebo tafafikilishiwe mu bushiku Bwakwe. Alefikilisha Ico ileelo. Lelo lintu ubulayo bwa Cebo Cakwe, ico icali itontonkanyo lyakwa Lesa . . .

203 I *Cebo* li “tontonkanyo ilya langwa.” Lesa, mu kutontonkanyo Kwakwe, Atontonkenye ico, nokulangisha Cena ukupitila muli bakasesema Bakwe, kabili nomba Cifwile cafikilishiwa. Kabili, lintu, Atwebele libela pali ifi fintu eico tekuti apange icilubo nokulufyanya mumfifi lilya, lintu twamona cena cilefikilishiwa.

204 Nomba, Alaile ukutuma Kristu umuku wacibili. Kabili nakonse uko Acita, lintu Kristu aisa umuku wa cibili, kuli nokuba umutende wa Muyayaya.

205 Kutikeni, bacibusa, ilyo tuleisalila. Ibukisheni, Baibele ekafukauka ka mano yonse. Yena tayafuma kuli Dokota, Ph.D., LL.D. Yena yafuma ku Cebo cakwa Lesa.

206 Kwalikoko ba Dokota amaka yakwa Lesa abekele palya, ukupitila mu myanda, kabili no Mulumendo umunono uwa myaka ikumi naibili iya kufyalwa abetile ukwisa, pantu Ewali i Cebo. U Mulumendo munono takwete namasambililo nakalya, cibe Ewali i Cebo. Pantu Ewali u Lubuuto ulwalandilwe pali bulya ubushiku, Alelangisha cilya i Cebo. I Cebo cali muli Ena. Cali nokuba. Emulandu ico Alandile caishile fikilishiwa, pantu Ewali i Cebo. Mwakutuluka imwe? Bonse abo abakutuluka, batile, “Ameni.” [Ulukuta lwatila, “Ameni.”—Kale.] Ewali i Cebo.

207 Ibukisheni Baibele, te buuku lya mwaka ilyo ilyalembwa no muntu. “Leken i cebo conse ica muntu cibe icabufi, lelo i Candi cibe i Cine.”

208 Kabili ifyabufi nefya bukapepa, kabili—kabili nefyaba ngefyo, fyonse fibafye ifyabikwa pamo nganshi lintu mwakwata ibumba lya bantu ukwingisha muli Cena. Lesa tatalile abombela pamo mwibumba ilyaba ifyo. Nga cakutula Yesu aisa ileelo, bushe kuti Abula ulubali pamo naba Methodisti, pamo naba Baptisti, pamo naba Adventisti, Inte shakwa Yehova, ba Christian Science, ba Pentecosti, ba Presbyteriani? Iyo, mukwai. Ena icine cine tekuti acite.

209 Mulimo wa cila umo, iwe na Lesa. Tapali pa bantu babili abakumona ilinso ne linso, bonse abalingana; takuli ifikumona fibili ifyapalana. Lesa kubombela pamo na cila umo. Kabili kuti waishiba shani nga cakutula nalungika nangu iyo? Nomba nokulolesha kunuma nokumona nga cakutula ali pamo ne Cebo. Nga cakutula ali pamo ne Cebo, ninshi Lesa alebombela pamo naena; nga cakutula talecita ico, icintu cimo cimbi ecilebombela pamo naena. Mwamona? Ico nacilungama.

210 Mwibukishe, Baibele ekafukauka ka mano yonse, kabili yalikatilila lyonse isubilo lyabwikashi bwa bwikalo bwakuntanshi muli Lyena. Umutende, umutende wakwa Lesa!

211 Kwati fintu ilyashi lyalandilwe pa nshita imo, pa mulumendo umunono uwalufishe ba wishu bakwe ilyo talakula ukuba umukalamba ukumona wishu wakwe; alifye mwana umunono lintu wishu wakwe afwile. Ubushiku bumo afikile pa myaka ikumi limo, ikumi limo naibili iyakufyalwa. Alikwete munyina wakwe umbi, uwaleitwa Yohane. Aile kuli munyina wakwe umbi, kabili atile “Uh, Yohane,” uwali ne myaka iingi ukukulapo pali ena, atile, “bushe iwe, bushe iwe ulebukisha ba taata?”

Atile, “Ee.”

Atile, “Balemoneka shani?”

212 Atile, “Ukuba, bali abaume abatali, kabili bali abaume abasuma. Bena lyonse bali abasuma kuli ba mayo, kabili bali abacikuku kuli—kuli ine, kabili bali abacikuku ku muntu onse.”

Atile, “Ukuba, efyonse waishiba pali bena, Yohane?”

213 Atile, “Ukuba, Nakakweba.” Atile, “Henry,” atile, “umuntu onse atila Ine—Ine nalipala bena.” Kabili atile, “Umuntu onse atila Nakwata icifyalilwa nga bena.”

214 Atile, “Oh, ico cisuma! Ico eco Nacilafwaya ukwishiba.” Atile, “Lintu Namona iwe, ninshi Namona naba taata bandi.”

215 Efyo caba. Lintu i—isonde lyamona Yesu Kristu, cifwile caba muli iwe, lintu ici i Cebo icalembwapo ica leelo.

216 Nimwisa umona Yesu muli Davidi? Lintu i Cebo calangilwe ukupitila muli ena.

217 Nimumusango nshi umwenamo Kristu, Lesa muli Eliya, mulya mwiceleta lyaleya mu Muulu, mwamona Yesu muli Eliya? Pantu, i Cebo calishininkishiwe.

218 Mumona shani Cena muli Mose? Yesu ali muli Mose. Baibele Efyo yalanda ifyo. Mwamona, ico nacilungama, Ewali icimpukusa icalepya cilya icali pamo na Mose mu matololo.

219 Bushe abantu kuti baishiba shani Yesu Kristu? Lintu bena, ena, ba Mumona muli iwe, lintu bamona Yesu muli iwe. Pantu, Atile, “Imilimo intu Ncita naimwe mukacita pamo. Iikalamba ukucila napali iyi mukacita, pantu Ndeya kuli Taata Wandu.” Bushe ico nacilungama? Ifyo efyo bena, babeshiba kwisonde.

220 Tepamulandu waba Pentecosti Oneness ukuba abakalamba ukucila ba Pentecosti Twoness, nangu Twoness ikalambapo ukucila Threeness, nangu conse ico mukwete; te pamulandu wakutla Methodistu ikalamba ukucila Baptistu; nangu Southern Baptistu ukusenda icilambu uno mwaka pali yonse—yonse ama chalichi yaba Baptistu, pali bonse ba Protestanti. Nabakwata ba membala abengi uno mwaka ukucila yonse ayashala pali yena, Ndekutuluka, ukupitila mukupenda. Ico tacilepanga yena ukuba ayapusana. Lesa talefwaya ukwishiba iwe ukupitila mumpendwa. Abasenshi balimicila mumpendwa, inshita iili yonse. Ba Katolita balimicila inwe bonse. Abakwa Mohammedi balicila pali yonse. Mwamona?

221 Iwe uleshibikwa lintu Yesu Kristu aikala muli iwe, ukupitila mu Mweo Wakwe, kabili ne Cebo cabulayo ica buno bushiku icailangisha icine pa Lwaciko. Mwamona?

222 Nomba i Cebo cimo cine cilya icalangilwe muli Mose tacalangilwe muli Eliya, pantu bulya bwali bushiku bumbi. Umowine ulya uwalangilwe muli Noah tekuti abe muli Mose, pantu, mwamona, Noah akulile ubwato, Mose atungulwile abantu, bwino bwino fye neca lailwe. Ulubuuto lumo lwine lwalangilwe muli umo, bushe talwali muli umbi, lelo lumo lwalandilwe palwa lunankwe lumo lumbi.

223 Conse i Cipangano Cipyu cilanda pali iyi nshita. Yesu Kristu alelanda pali iyi nshita. Ninani uyu, nombu, umuntu umo? Ena ni Yesu Kristu, u Mwana wakwa Lesa, aleilangisha, ukulangisha u Lubuuto pa Cebo ico Alaile ica buno ubushiku.

224 Lintu umuntu amona iwe uleikala nga Ena, lintu amona imibele yobe nemicitile yobe ukuba pamo ne Cebo fye bwino bwino nga fintu Ali, i Cebo ukuba icasokololwa, nomba umuntu ali nokumona Yesu Kristu. Tabafwile ukulolesha konse konse ku ncende yonse iili imbi, watila, “Cinshi ico *ici* icisumino cifundisha, cinshi ico *cilya* icisumino cifundisha?” Bali nokwishiba ifyo Lesa aba lintu bamona iwe.

225 Umutende, umutende wakwa Lesa ube u Lubuuto pali imwe! Kabili lintu i Cebo cakwa Lesa cashininkishiwa muli ino nkulo, mukupwililika, kabili wamona Cena nokucetekela Cena, umutende kuli iwe!

226 Ulolenkane no mwaka uupya pamo neci, mubike Ena nga fintu Davidi alandile, “Ndi nokumubika Ena lyonse ku cinso candi. Pantu Ena ekuboko kwandi ukwa kulyo, Nshili nokusunkaninshiwa.” Nga cakutula wakumanya imfwa uno mwaka, bupusano nshi cilepangapo? Lesa alilaya Ali nokukwimya. Nga cakutula ubusanso bwa pamusebo bwakwipayaya, bulekano nshi cilepangapo? Iwe naukwata u Mweo wa Muyayaya, “Nkamwimya ena mubushiku bwakulekelesha.” Amen. Nga cakutula icintu conse cacitika? Temulandu nefyo cili, tapali nangu cimo icingapatula ifwe ukufuma mukutemwa kwakwa Lesa, ico nimuli Kristu. “Insala, amacushi, ubwamba, temulandu nefyo cili, takuli nangu cimo icili nokutupatulula ukutufumya ku kutemwa kwakwa Lesa, ico nimuli Kristu.” Kabili Ena e Cebo. Umutende!

227 Natukontamike imitwe yesu. Nomba umuntu onse akontamike umutwe wakwe pakashita akanono. Umumutende wakwa Lesa!

228 “Iikalamba...” [Pali tepu tapali amashiwi—Kale.] “Nga fintu cali munshiku shakwa Noah, umo balelya, balekolwa, baleupa, baleipela mufyupo,” Reno, Nevada, kabili ne sonde lyonse lyali mulubuuto lwakashika, “eico eflyo cikaba pakwisa kwa Mwana wa muntu.”

229 “Nga fintu cali mu Sodomu,” umo Lesa alangilwe mu Muntu nse ulya Abrahamu aitile Elohimu, Umo Uwaisulamo fyonse; aiminine palya, alyenama, anwa umukaka, nomukate; kabili nokulanda ico Sarah aletontonkanya kunuma yakwe, kunuma Yakwe, mwitenti. Atile, “Cilya cili nokubwela nakabili pakwisa kwa Mwana wa muntu.” “Pakashita akanono, isonde talili nokumona Ine nakabili; cibe imwe muli nokumona Ine, pantu Ndi nokuba pamo na imwe, nangufye muli imwe, ukufika kumpela ye sonde.”

230 Aba Yuda ukubwelela ku calo cabo. Ifintu ifyo filecitika, ifyo ifili muli buno bushiku, kuti fyandesha munshila citika ukutampa ukweba imwe pafilecitika, lelo tulemona ico. Cinshi ico? Cebo ukulangwa.

²³¹ Cinshi ico muletontonkanya Aba Hebere bacitile lintu bamwene i Cebo calangwa, pamo nobulayo? Bena baipekenye ukusha icalo.

²³² Nga cakutila tauli uwaipekanya ileelo, cibusa, tampa uno umwaka uupya uwalungama, tampa wena nokuboko kobe mukuboko kwakwa Lesa, i Cebo cakwa Lesa mu mutima obe, utile, “Shikulu Yesu, Nshishibe cipandwa nshi ica ulu u Lwimbo ulutali ico Mulefwaya ine ukulisha, lelo lintu yalya amansansa yaisa pali ine ukutila mpakaswe, ukusekwa, ukumpunya, Ncili ndebula ukuboko kwandi ukutila u Lwimbo Lobe ulutali talufwame lwaba icimfulunganya pamulandu wandi. Nalaikala uwalungama pamo ne Cebo Cenu, temulandu nefyo Cili. Nalaikala palya pene. Kabili lintu imfwa yakonkonsha pamwishi wandi, ulu lubali lwa Lwimbo ulutali. Ninjishiba nomba, ukutila, icine cine fye ilyo imfwa yakonkonsha pamwishi wandi, ukusumbulwa kuli nokupuma pali bumo muli ishi inshiku, pamo, kabili Muli nokunjimya nakabili. Lwena lubali lwa Lwimbo Lwenu ulutali. Shikulu, lekeni imbe ulubali ileelo, bushe kuti Mwacita ico?”

²³³ Nibanga abengafwaya ukubula uyo umulapo, nokutila, “Ukutampa uno mwaka uupya, Munyina Branham, ukutampa kuno ukulongana, nombaline, Ndelaya Lesa, ukubula ubwiminishi bwandi, ukukana filwa ukwikala uwalungama pamo ne Cebo Cakwe icalaiwa, kabili ukwikala bwino bwino fye munshila Alailemo cena, mu bupete na mukuicefya; ukutila Lesa engabula umweo wandi nokuubika mukati ka Lwimbo Lwakwe ulukalamba, ukutila lilya ibumba limo line Akemya pa bushiku bwakulekelesha. Ndi nokwimya ukuboko kwandi, Munyina Branham, tekuli iwe, lelo kuli Lesa. Njibukishako mwipepo?” Lesa amipale imwe, konse konse. Shikulu Amipale. Ukuboko kwandi nakwima, pamo.

²³⁴ Shikulu, mbuleni. Shikulu Lesa, mwileka mbule amano yandi, nga Yuda, pali dollar iyapulapo, pama fashoni ya mwisonde, nangu umuntu umo ukukupampansha panuma, nokutila, “Oh, Munyina Branham, ici cili. . .” Iyo, iyo. Lesa, mwileka ico ukucitika kuli ine. Nalasendafye inshila nabanono abakwa Shikulu abasulwa. Nalaba munyina ku muntu, ncite fyonse ifyo Ningacita, Shikulu, ukutemwa abantu no mutima wandi onse. Lelo, Shikulu, mwileka ine mfume pali ici Cebo. Ndefwaya nkeme pa bushiku bwakulekelesha. Kabili nyabofye beka ababikilwe muli u Lwimbo ukukalamba ulutali, Shikulu, nga fintu Njeseshe ukulondolola ico muno cungulo kasuba, ulolwine elumo ululeisa pa mpela ye—yepapala ya lwimbo, lintu ukubuka kukalamba, nabonse ba Malaika bakatota amaboko yabo na bashila bakaya baleenda ukwingila. Nyabo beka abo abaangele mucangalo cikalamba ico tuleangala, napapa, Shikulu.

²³⁵ Natwishiba ukutila mucangalo balacinja ifi fimbo, balafuma

ku cintu cimo ukuya kucinankwe, kabili ico eco Mwacitile. Mwafumine ku Mupashi, mwe Lesa, Yehovah Mukalamba, nokufwala icifimbo ica muntu nse, nokucinja amaka Yenu—Yenu—Yenu; Mwacinjishe. Mwatanike itenti Lyenu. Mwaikile ukufuma kuli Lesa, nokuba umuntu, ukutila Mwingafwa nokulubula umuntu. Mwacinjishe icifimbo Cenu.

²³⁶ Nomba kabili Mwalicinja ico, kabili Mwaliifimba Mwebene mu bantu abo abali nokucetekela nokucita umwabela i Cebo ukutila Imwe mwalilemba pano. Yalipalwa amenso ayo ayamona Ico, yalipalwa imitima iyo iipokelela Ico, yalipalwa amatwi ayo ayomfwa Ico, pantu kuli nokwisa ukubuka lintu u Lwimbo ulukalamba lwapwa. mwe Lesa, lekeni tube palya, kuti Mwacita ico? Paleni ili ibumba linono.

²³⁷ Ukulanda ngefi, Taata, natwishiba ukutila iyi tepu ileya konse mwisonde. Kabili pano pali ilisuma ibumba linono ilikele pano ileelo, ili ibumba ililemoneka pano mu Phoenix. O mwe Lesa, imyaka ikumi naisano mukushimikila ukwakosa nokukalipila, kabili, mwe Lesa, Imwe namwishiba umulandu, ukutemwa! Ukutemwa ku—kufopaula. Ukutemwa ku—kukalipila. Ukutemwa kulakanda.

²³⁸ O mwe Lesa, lekeni Njipele palwandi pamo naba abantu muno mulungu, kabili lekeni Mutukande, Shikulu, pa Cebo Cenu. Lekeni tumone amaka Yenu ukwimya abalwele nabacula, amenso yampofu ukumona, Mupashi wa Mushilo umukalamba ukwisa uwamoneka mu muputule. Lekeni kapyunga onse ne chalichi conse fibe pamulilo. Lekeni umusonkano uuleisa uwa bashimakwebo baume, mwe Shikulu, fibike umutima onse uwakwa shimakwebo, muli uno musumba, pa mulilo pamulandu wakwa Lesa. Fikilisheni ico, Shikulu. Tatwishibe ifyakucita pali ico, kabili tekucila mukwipusha kabili nokucetekela ukutila calacitwa. Twaibika palwesu kuli Imwe, ukupitila muli Yesu Kristu, Shikulu wesu.

Kabili nomba natwiminineko pa makasa yesu.

²³⁹ Nshaishiba ukulanda, amashiwi yandi nshilanda bwino, kabili Ndefwaya ukulanda ukutila pali uyu umulandu Naciba uwakakwa ukucita ico. Nibanga pano abalaimya amaboko yabo, ukutila imwe mwacumfwikisha ico Nacilapilibula ukupitila mu “Lwimbo ulutali ulwakwa Lesa”? Imyeniko ukuboko kwenu. Natotela. Cisuma. Bushe namucetekela ico?

²⁴⁰ Nomba, lwena Lwimbo ulutali, mwamona. Mwalasanga lwena lwafika pamampatu, umuntu onse alesunguka. Ndeita ico pamampatu. Nshaishiba ukwimba; kembera muno, mulandu nshi, kuti—kuti anjelelako munshila yandi iyabipa. Lelo, cili, balelisha, bafwile bakwata icintu cimo icyakucita. Lwena lwalabwelelako panshi, pesamba, mulesunguka ifyo Cena cili; lelo, mwamona, nga cakutila waingila ukukonka ifyo ukulila

kwa Ico, imwe mwalaumfwikisha Ico. Iyoine enshila iyo muli nokumfwilamo Lesa, kwingila mukulila kwa Ico.

241 “Cili cinshi Ico? Ine kuti Nacita shani? Munyina Branham, Ndifye uwacine nga Methodisti, Baptisti, nangu Pentecosti.” Uyo temusango wakulila.

242 Icilelila ni Lesa. Lesa e Cebo. I Cebo ni Lesa. Lesa ecilelila, ali, alenakila i Cebo Cakwe. Nomba lintu wanakila i Cebo, Ena kuma pacilelila bwino bwino kuli iwe, nomba iwe wabula icifulo cobe. Ilyo lyonse Cena cabwelela panshi, panshi, panshi, pamuulu, conse ifyo Cena cili, nawishiba ayo amampatu.

Inshita shimo shimo utila, “Oh, ifyakumfwa imitima ukukalipa nefya kweshiwa!”

243 Bushe Lesa tatila, “Ifintu fyonse fibombekela capamo ku busuma kuli abo abatema Ena, ilyo Ndelisha u Lwimbo ulutali Lwandi”? Kabili wasanga ukutila nomba iwe ulecula kabili naumwa panshi, kabili naupakaswa, balekuseka. Ibukisha, ulu elubali ululeya muli iyo nshila. Ico nga tacili ifyo, ninshi u Lwimbo ulutali nalufuma apakulilila.

244 Kapanga mukalamba uwa lwimbo naishiba bwino bwino icili muli ico. Naishiba. Alikwishiba iwe, ukufuma ku kutendeka. Abikile ishina lyobe mwi buuku ilya mwana wa Mpaanga ilya Mweo, ilyo umufula we sonde taulabako. Bushe namucetekela ico? Naishiba ico mufwile ukucita. Temulandu nefyo cingabwelela panshi, nefyo cingamoneka icafita, cena cifwile ukuba muli iyo nshila.

245 Lelo, ibukisheni, nga cayafye bwangu ukwingila mucinshingwa camfwa, “Nine ukubuka kabili u Mweo; Ndi nokumwimya nakabili.” Kabili lintu Katungulula umukalamba aisa panshi nokubika ilya inkonto panshi, nomba, “Inshita ninshi naipwa.” Ulya Malaika, uwamu Kusokolola chapitala 10, abika ulukasa lumo pa mushili nalumbi pali bemba, kabili nomukola mfula wapita pa mutwe Wakwe, Alapa, “inshita ninshi naipwa.” Lintu ilya inshita yaisa, iwe uli nokwima pakati kabafwa. Ilyo bonse abashala bali nokulala mulya, iwe uli nokwingilamo.

246 Ukwikala mu Lwimbo ulutali. Uli nokwikala mu Cebo cakwa Lesa. Temulandu nefyo cingaba icakosa, iwe kwikala uwalungama pamo na Cena, konse uko Lesa alelisha.

247 Inshita shimo shimo Alalenga amafya ukonaula ifikakilo, ukulenga iwe ukuba uwa kaele. Alacita ico. Mwatila, “Ukuba, Nshishibe ifyakucita Nshishibe ifyakucita.” Alacita. Bulekano nshi? Iwefye—fye uleangala icipandwa. Ena e Umo uwaikata iwe mukuboko Kwakwe. Alakutungulula.

248 Ibukisha, conse cicitwa necishibilo. Mulemona inshita tuleikalilamo, ukupitila mucishibilo tuleikalilamo, natwishiba

ifyo u Lwimbo ulutali lulecita ileelo. Yena ni nshita ya kupatulula, ukufumya u Lubuuto ukulufumya mumfifi.

²⁴⁹ Natulande ico capamo, pakutila tamulabile ico, pantu Naumfwa ukulanda ici: “Cena kufumya u Lubuuto ukulufumya mumfifi.” Natulande ico nakabili: “Cena kufumya u Lubuuto ukulufumya mumfifi.”

²⁵⁰ Ulo e Lwimbo ulutali ulwakwa Lesa. Alelangisha ulo mu myuulu. Alelangisha ulo pacipampa cafita. Alelangisha ulo ukupitila muli Ena umwine. Alaile ico mu Cebo. Tulemona ico ukushininkishiwa. Ena alepatulula ingano ukushifumya mufipapa. Alefumya u Lubuuto ukulufumya mumfifi.

²⁵¹ Bushe wacetekela Ena, no mutima obe onse? Natwimbe ulwimbo lwesu ulusuma, nomba.


²⁵² Kabili Ndefwaya ukulanda icebo kuli bakakumba, pali minetifye imo. Mweba bwananyina, Shikulu amipale. Natotela pakufumya inkuta shenu nokubaleta pano. Kuli imwe ba kakumba uko, icine cine Ndemitotela. Ndifye pano . . .

²⁵³ Leken nande ukutila, mweba bwananyina, kuti kwaba ba Methodisti, ba Baptisti, ba Presbyteriani. Bushe muleumfwa, Ndelandafye cimo cine kuli imwe ba Pentecosti nga fintu Nacitile kuli imwe? Cimocine fye, mwamona. Tacili . . .

²⁵⁴ Nga cakutila Nakana ukusuminishanya no muntu, mu maka, kabili ncili uwatemwa ena . . . Pantu, nga cakutila Nakana ukusuminishanya na ena, ukubafye uwakukana suminishanya, Ndi myalu myalu; Nshilingile ukwiminina pano. Lelo nga Nakana ukusuminishanya naena pamulandu wesenge nokutemwa noku kutuluka, temulandu neco acita, ena acili munyina munyina uwawama. Mfwile naiminina pamo na ena. Ee, icine cine. Ico cili icalungama bwino. Nga cakutila ico tacili mu mutima wandi, nomba Lesa afwile amfumya pali ici icintamba, Nshilingile ukuba pano. Ico nacilungama. Ndelanda ico pamulandu wakutemwa, kabili ne cintu cimo ico Ndemona cileisa. Kabili Talengele ine ukuba uwalufyanya pali ico, ukukonka nefyo cili, pantu cena lyonse caba i Cebo Cakwe. Eico, Lesa amipale.

²⁵⁵ Nomba natukontamike imitwe yesu pakashita fye akanono, nokwimba ulu ulusuma, ulwimbo ulwa kale ulo lyonse twimba, “Nali Mutemwa, Nali Mutemwa.” Nga cakutila kalisha wacinada, nangu onse untu cili, nangu bamo abali mukwimba, alatupela apakwimbila apanono pali ico, Ndetunganya. Ee, nacilungama, lekeni tumone nga kuti twaimba lwena ukwabula icilimba. Bonse capamo nomba, nemitwe yesu natukontamika.

Nali Mutemwa, Nali Mutemwa
Pantu Ewabalilepo ukuntemwa
Nokushita ipusukilo lyandi
Pa cimuti ca Kalbale.

²⁵⁶ Ndetontokanya nabeminika amatepu nombu. Mwamona,
iyi tepu ili nokuya konse. . . 

64-0119 Umutende
Ramada Inn
Phoenix, Arizona U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org